


浙江通志 卷九


藝文四
碑碣



漢書門			
二	三	五	二
九	一	二	
冊	架	函	號 類

內閣文庫			
二	三	五	二
九	一	二	
函	冊	架	號 類

內閣文庫	
番號	漢 2352
冊數	120 (100)
函號	292 48



勅修浙江通志卷二百五十八

碑碣四

淺草文庫

金華府

婺州路新城記

嘉靖金華縣志 郡人黃潛文

巖樓記

萬曆金華府志 章懋撰

重修澄清堂記

嘉靖金華縣志 泰定二年學士袁柄文 正德十年郡人章懋記 見在行臺內

重修一公堂記

嘉靖金華縣志 元統三年副使李端文

憲司題名記

嘉靖金華縣志 泰定二年 郎中劉克誠文 至正九年僉事余闕續記 見在行臺內

憲使董公均役記

萬曆金華府志 至正十二年十一月 余闕撰

通判廳蘭亭記

輿地紀勝 其碑甚古



勅修浙江通志 卷二百五十八 碑碣四

金華府學歲貢題名記 萬曆金華府志 姜麟撰

覈田記 嘉靖金華縣志 洪武五年郡人蘇伯衡文

重修金華縣治記 萬曆金華府志 唐仲友撰

金華縣題名記 嘉靖金華縣志 邑人戚雄文

金華縣儒學科第題名記 嘉靖金華縣志 永樂四年郡守王鐸文 嘉靖十七年

邑人戚雄文

修通濟橋記 嘉靖金華縣志 郡人黃潛文 弘治三年重修 郡人章懋文

勅建正學祠記 嘉靖金華縣志 成化五年淳安商整文 嘉靖十五年重修 知府陳京文

何文定公祠記 萬曆金華府志 正德乙亥六月劉燕撰

宋文憲公祠碑 嘉靖金華縣志 嘉靖四年郡人

武威侯廟記 輿地紀勝 唐廣興元年 城隍廟建造記

二年郡守李圭文 弘治八年邑人葉睦文 俱在廟中 赤松巖寺碑 輿地紀勝 垂拱四年

重修密印寺永福浮屠記 金華縣志 王崇撰

寶婺觀記 萬曆金華縣志 重建赤松宮記 注可受

入詠碑 輿地紀勝 沈約文 舊本在仁風堂 新本在入詠樓

重建清風樓記 嘉靖金華縣志 郡人王禕文

蘭谿縣城記 萬曆金華府志 龍鳳乙巳冀權撰

勅書樓記 蘭谿縣志 宣和六年進士倪鏗文

重修縣治記 重建尉司記 蘭谿縣志 宣和六年並南城曾岷文

知縣題名記 蘭谿縣志 宣和六年知縣舒邦弼文

重建蘭谿州治記 萬曆金華府志泰定四年六月王奎撰

本縣義役碑 蘭谿縣志紹定元年知縣張溥識

蘭谿縣新遷預備倉記 萬曆金華府志章懋撰

鄉貢題名記 蘭谿縣志正統六年邑人龔全安文

進士題名記 蘭谿縣志成化十年臨川胡榮文

女兒渡浮梁記 蘭谿縣志紹聖三年彭城劉藻文又知事唐敦文

望雲橋記 蘭谿縣志宣和二年南城曾峴文

通濟橋記 蘭谿縣志紹興二十年縣尉詹叔善文

板橋記 蘭谿縣志隆興甲申龍圖閣蘇簡文

悅濟橋記 蘭谿縣志寶慶丙戌推官沈唐老文

舒觀橋記 蘭谿縣志姜綱撰

朱呂二先生祠堂記 蘭谿縣志嘉定七年趙蕃記

章楓山先生祠堂記 萬曆金華府志南京禮部尚書無錫邵寶撰

陸鶴山先生祠堂記 萬曆金華府志知府姚文煥撰

積慶侯廟記 蘭谿縣志至道元年進士郭麟文又金華杜潤之文

城隍廟記 蘭谿縣志皇慶四年紫巖杜汝霖文又元學正呂潛文

忠祐廟記 蘭谿縣志紹興二年李汝弼文又咸淳五年主學徐元綱文又至元元年博士柳貫文

歷陽福祐侯廟記 蘭谿縣志成淳三年進士童綱文

天津龍王廟記 蘭谿縣志紹興八年教授陳大章文

仁惠廟記 蘭谿縣志嘉定元年香溪徐時文又元黃潛文又景泰四年學士柯潛文

橫山龍王廟記 蘭谿縣志至元四年博士柳貫文

白沙吳司徒廟記 蘭谿縣志大德九年里人洪國瑞文

和安寺碑 輿地紀勝唐邵明文

東峰亭記 輿地紀勝唐馮宿文在蘭谿團寺 萬安院碑 輿地紀勝晉天福八年

永寧院碑 輿地紀勝周顯德四年鄉進士張世安文

惠安院記 蘭谿縣志宋祥符八年永嘉周侃文

上福院法堂記 蘭谿縣志咸平元年赤松張蒙文

兜率寺記 蘭谿縣志天禧五年知縣史溫文

壽聖院經藏記 蘭谿縣志天禧五年知封州史溫文

淨惠院記 蘭谿縣志慶曆三年大理評事何承錫文

淨惠院經藏記 蘭谿縣志熙寧十年濟南杜時中文

聖壽寺白蓮堂記 蘭谿縣志慶曆五年光祿卿葛閣文

永安院藏殿記 蘭谿縣志至和元年進士陳杞文

昭化寺記 蘭谿縣志元祐五年中散大夫徐師閔文

天真禪院記 蘭谿縣志洪武二年邑人吳沉文

靈泉寺碑 蘭谿縣志政和四年主簿兼教諭朱恂文

興教院記 蘭谿縣志嘉泰元年里人范處義文

興教院續田記 蘭谿縣志淳祐八年杜去輕文

無垢院記 蘭谿縣志慶元六年進士章光大文

廣嚴院田記 蘭谿縣志乾道六年教授包榮文

力修... 碑碣四

建福寺法堂記

蘭谿縣志淳祐庚戌杜去輕文

棲真院觀音閣記

蘭谿縣志蘇林文

棲真院記

蘭谿縣志宋濂文

廣福院記

蘭谿縣志義烏黃潛文

正覺禪院記

蘭谿縣志太子少師姚廣孝文

帝師殿記

蘭谿縣志元翰林學士綱履文

方仙翁碑記

蘭谿縣志萬曆間章述文

東陽縣築石城記

東陽縣新志嘉靖三十三年趙葉記

東陽重修城垣記

東陽縣新志天啟二年縣令貢修齡記

重修東陽縣治記

萬曆金華府志宣和五年三月張志行撰

夏厲碑記

東陽縣新志淳祐辛北秘閣修撰厲模誌

石洞記

石洞遺芳集乾道六年王條記

夾溪嶺橋隘記

東陽縣新志浙江按察使劉慤撰

興孝祠記

萬曆金華府志袁甫撰

沖素祠記

東陽縣新志淳祐六年許應龍記又隆慶壬申知縣鄭準記

城隍廟記

東陽縣新志元豐三年周淑記又淳熙十六年曹觀記又萬曆戊申正月郭一鶚記

褒忠祠記

東陽縣新志方豪記又嘉靖二十五年盧煦記又隆慶五年王崇記

社姥廟記

東陽縣新志萬曆十年邑進士趙葉記

許府君廟記

萬曆金華府志柳貫撰

申屠將軍廟記

東陽縣新志柳貫撰

法華寺碑

輿地紀勝唐會昌三年

新安寺重建藏經閣記

東陽縣新志元大德間僧慧心撰

廣嚴寺記

東陽縣新志寶元元年建安會孝基記

重修寶輪寺記

東陽縣新志葛佑僧記
萬曆辛丑盧洪量記

法寧寺記

東陽縣新志宣和
巳亥趙彥秬記

崇聖寺記

東陽縣新志永
樂間王乾章記

禪林寺記

東陽縣新志
張志行記

長樂寺碑

東陽縣新志端平
三年喬行簡撰

禪智寺記

東陽縣新志紹興
七年賈廷佐記

靈雲寺記

東陽縣新志嘉熙
丁酉周仲虎記

昭福寺記

東陽縣新志紹
興間賈廷佐記

法輪寺記

東陽縣新志咸平間胡公
則記又嘉泰間徐次鐸記

棲真觀記

東陽縣新志
張志行記

元寶觀記

東陽縣新志紹興
四年徐端恭記

乾元宮記

東陽縣新志劉偉記又
淳熙十五年謝諤記

涵碧亭記

輿地紀勝唐
寶曆二年

義烏縣治記

萬曆金華府志洪武三
年二月邑人王禕撰

義烏縣重建譙樓記

萬曆義烏縣志洪武三年二月邑
人王禕記又成化十一年邑人金

記

縣尹題名記

萬曆義烏縣
志虞守愚撰

義烏縣學題名記

萬曆金華府
志楊焯撰

先達題名碑記

萬曆義烏縣志宋
縣尉永嘉吳杜撰

重立宋先達題名碑記

萬曆義烏縣
志元黃潛撰

學官題名記

萬曆義烏縣志至正十
一年十月教諭沈文衡記

重濬繡湖碑

萬曆金華府志洪
武十一年宋濂撰

忠賢祠記

萬曆義烏縣志
知縣梅淳記

宗忠簡公祠記

萬曆義烏縣志 邑人黃潛記

復宗忠簡公祠記

萬曆義烏縣志 隆慶 辛未邑人朱湘記

黃文獻公祠記

萬曆義烏縣志 門人王 禕記又門人宋濂記

玉忠文公祠記

萬曆義烏縣志 翰 林修撰吳寬記

龔忠愍公祠記

萬曆義烏縣志 成化 丙辰淳安商輅記

崇德報功祠記

萬曆金華府 志王慎撰

吉州太守朱宗儒祠記

萬曆義烏縣志 郡人 太常卿唐汝楫記

晏公行廟記

萬曆義烏縣志 洪武二 十八年三月王紳記

赫靈行廟記

萬曆義烏縣 志黃潛記

還珠碑記

真地紀勝 唐元稹文

轉輪經藏碑

真地紀勝 唐 咸通八年

普濟院碑

真地紀勝 顯德三年

寶林禪寺記

萬曆義烏縣志 一紹興六年二月直龍圖 閣潘良貴撰一至正十年八月太常博士

胡助 撰

淨居教寺記

萬曆義烏縣志 邑人黃潛撰

滿心教寺鑄鐘記

萬曆義烏縣志 宣和 六年十一月宗澤記

滿心教寺法堂記

萬曆義烏縣 志黃潛記

華陽教寺記

萬曆義烏縣志 永樂十 三年臘月縣人王稔撰

聖壽禪寺記

萬曆義烏縣志 一至正五年祕書少 監黃潛撰一洪武二十四年朱濂撰

大安教寺記

萬曆義烏縣志 正統 甲子廬陵劉同撰

景雲禪寺記

萬曆義烏縣志 祥符 五年九月周希古記

永康縣治記

萬曆金華府志 嘉靖十 八年仲冬月洪垣撰

譙樓記

萬曆永康縣志
豫章張元禎撰

覈田記

萬曆永康縣志
尚書長洲吳寬撰

放生潭碑記

永康縣志
人尚登岸撰

龍虎塔碑記

永康縣志
人徐光時撰

仁政橋記

萬曆永康縣志
縉雲李棠撰

李溪橋記

萬曆永康縣志
志洪垣撰

武義縣治記

萬曆金華府志
志黃春撰

武義縣令題名記

萬曆武義縣志
志黃春撰

新建譙樓記

萬曆武義縣志
志黃春撰

熟溪橋記

萬曆武義縣志
年二月姚德撰

慶元四
陳善撰

重修熟溪橋記

武義縣志
劉養中撰

金貂亭記

嘉靖武義縣志
志呂喬年撰

髮寶象龍塔記

萬曆武義縣志
志張國裳撰

重建天階景壁樓記

萬曆武義縣志
志張國裳撰

明招院壽塔碑

輿地紀勝
周廣順二年

新築浦江石城記

萬曆金華府志
志瞿景淳撰

浦江恢復北城記

崇禎浦江縣志
一年知縣莊起元記

重建浦江縣治記

萬曆金華府志
年四月邑人柳貫撰

儒學歷任題名記

崇禎浦江縣志
一年仲夏王德溥撰

東湖塘記

崇禎浦江縣志
志錢適撰

西湖塘記

崇禎浦江縣志
五年正月倪尚忠撰

建南橋記

崇禎浦江縣志
五年三月方樞撰

南橋堤記

崇禎浦江縣志
志鄭淵撰

吳公橋記

崇禎浦江縣志
志邱悌撰

秦平橋記

崇禎浦江縣志鄭裳撰

席場橋記

崇禎浦江縣志林子燕撰

修社稷壇記

崇禎浦江縣志嘉熙元年正月藉田令趙汝騰撰

二賢祠記

崇禎浦江縣志曹叔遠撰

五賢祠記

崇禎浦江縣志戴良撰

宋學士祠記

崇禎浦江縣志薛應旂撰

東岳行宮記

崇禎浦江縣志崇寧五年九月台州教授梅執禮撰

星君別祠記

崇禎浦江縣志戴良撰

靈順別祠記

崇禎浦江縣志柳貫撰

泄水龍王廟記

崇禎浦江縣志咸淳四年孟夏毛洪撰

昭靈廟記

崇禎浦江縣志嘉泰四年十月權知惠州事陳孔碩撰

重建龍德大雄殿碑

崇禎浦江縣志洪武十三年夏四月宋濂撰

龍德教寺修塔記

崇禎浦江縣志大德九年春三月沙門白開撰

白佛寺碑記

崇禎浦江縣志景祐二年三月廖侗撰

仙華山化城精舍記

崇禎浦江縣志至元丙子正月太常博士柳貫撰

左溪講寺記

崇禎浦江縣志唐吏部員外李華撰

普安禪院記

崇禎浦江縣志慶曆七年八月沙門于清穆撰

華藏禪寺記

崇禎浦江縣志乾道壬辰正月汪藻記

新遷崇因院記

崇禎浦江縣志嘉定癸未姜元鼎撰

龍華寺記

崇禎浦江縣志柳貫撰

明德教寺記

崇禎浦江縣志宋濂撰

官巖教寺記

崇禎浦江縣志至正十五年十月宋濂撰

保安教寺記

崇禎浦江縣志至正十八年三月宋濂撰

重修仙華館記

崇禎浦江縣志天聖七年十月張蒙撰

太極宮記

崇禎浦江縣志洪武六年十月張孟兼撰

貞一道院記

崇禎浦江縣志宋謙撰

湯溪縣治記

萬曆金華府志成化十年六月淳安商輅撰

白沙永利碑記

萬曆湯溪縣志太常寺少卿趙崇善撰

汪侯二堰水利碑記

萬曆湯溪縣志張文濂撰

重修白龍橋記

萬曆湯溪縣志汪文壁撰

葉灣渡記

萬曆湯溪縣志邑人張文濂撰

節義坊碑記

萬曆湯溪縣志文彥博撰

衢州府

衢州修城記

弘治衢州府志緒興十四年林敷撰

重修城記

弘治衢州府志嘉定年中書舍人毛憲記

重修貢院記

弘治衢州府志章穎撰

衢州路總管府記

弘治衢州府志徐夢龍撰

兵道題名記

崇禎衢州府志林煇撰

衢州刺史廳壁記

文苑英華左補闕趙郡李華撰

雙檜堂記

輿地紀勝開寶間吳越刺史慎知禮撰

復建郡治記

崇禎衢州府志教授徐夢龍撰

思政堂記

崇禎衢州府志郡守張嶠撰

總管白景亮政績記

崇禎衢州府志金華宋謙題

重刊郡守題名記

弘治衢州府志毛憲撰

衢州府守佐題名記

崇禎衢州府志一李東陽撰一王璣撰

重修通判廳記

弘治衢州府志毛白知撰

衢庠科甲題名碑記

弘治衢州府志李汝嘉撰

衢庠歲貢題名碑記

弘治衢州府志陳恒撰

府城隍廟記

崇禎衢州府志一元侍郎鄧文原撰一胡昱撰

西安令佐題名記

崇禎衢州府志王璣撰

西安學官題名記

崇禎衢州府志周顛撰

西安縣學科貢題名記

崇禎衢州府志大學士商輅撰

西安樂豐義倉記

西安縣志明那守張文達撰

楊公河記

西安縣志王璣撰

和風驛記

弘治衢州府志毛珩撰

爛柯山石橋記

弘治衢州府志元和元年三月十日刺史陸庶記一留文真記

重修治安橋記

弘治衢州府志湯經撰

西楚霸王廟頌并序

弘治衢州府志天寶十三載十月建信安郡太守賀蘭進明撰應文

武多才舉賀蘭誠書吳興姚韓卿蔡頌

東岳廟記

崇禎衢州府志中丞趙鏜撰

忠武王廟記

崇禎衢州府志教諭胡昱撰

蓮花趙公碑記

西安縣志趙孟奎撰

廣祐廟記

弘治衢州府志嘉定元年高文善記

大中祥符禪寺重建佛殿記

弘治衢州府志宣和間徐時彥記

太中祥符禪寺重興記

弘治衢州府志泰定乙丑黃潛撰

祥符鐘樓記

崇禎衢州府志劉致撰

太平寺記

弘治衢州府志淳熙戊戌楊道記

顯報寺記

弘治衢州府志淳熙丙午張杰記

月果禪寺傳法堂記

弘治衢州府志白
居易記石刻見存

元和證真塔記

弘治衢州府志
楊光弼記

藥師寺記

崇禎衢州府志
知府程秀民撰

開元觀碑

文苑英華
顧況撰

建龍游城記

萬曆龍游縣志
涂杰撰

重建縣治記

萬曆龍游縣志一徐
復初撰一胡森撰

湖鎮公館記

萬曆龍游縣志
毛汝麒撰

預備倉記

萬曆龍游縣志
王鏊撰

歸仁保義倉記

萬曆龍游縣志
王畿撰

重修姜村席村二堰記

萬曆龍游縣志
錢仕撰

北澤堰記

萬曆龍游縣志
方豪撰

重修通顯橋記

弘治衢州府志
商翰撰

文昌橋記

萬曆衢州府志
萬廷謙撰

徐偃王廟碑

輿地紀勝
韓愈撰

龍邱祠堂記

萬曆龍游縣志
邑人童珮撰

龍邱祠祀田記

萬曆龍游縣志
邑人祝爾慶撰

重修城隍廟記

萬曆龍游縣志
王璫撰

北資福寺記

弘治衢州府志
楊傑記

北資福寺建經藏記

弘治衢州府志政
和四年余剛記

舍利寺塔記

崇禎衢州府志趙抃記京
兆慎東美書碑在湖鎮

烏石教寺度僧記

弘治衢州府志淳熙十
一年趙介記余端禮書丹

崑山寺釋迦殿記

弘治衢州府志宋葉襄記

臺山寺記

弘治衢州府志
伯顏忽都記

證果寺記

萬曆龍游縣志
宋濂撰

重修靈耀寺記

萬曆龍游縣志
萬廷謙撰

湖巖塔記

萬曆龍游縣志
邑人尹燾撰

龍洲塔記

萬曆龍游縣志
邑人毛汝麒撰

重修永壽寺塔記

萬曆龍游縣志 萬廷謙撰

元真宮記

萬曆龍游縣志 元李仔撰

江山新建石城記

天啟江山縣志 隆慶二年邑人毛愷撰

重建縣堂記

天啟江山縣志 萬曆十九年郡守易倣之撰

縣令題名記

天啟江山縣志 萬曆二十年知縣張公斗撰

北清橋碑

天啟江山縣志 萬曆十五年知縣蔣光彥撰

度雲橋記

天啟江山縣志 萬曆三十七年知縣蔣光彥撰

凝秀塔記

天啟江山縣志 萬曆三十二年徐可求撰

景行堂記

弘治衢州府志 淳熙十二年八月新安朱嘉記

大義祠記

正德江山縣志 翰林修撰舒芬記

徐正節祀田記

崇禎衢州府志 周任撰

忠義祀記

崇禎衢州府志 方豪撰

城隍廟記

正德江山縣志 縣尹程郇記

重建城隍廟記

天啟江山縣志 萬曆三十九年方應祥撰

東嶽行祠記

正德江山縣志 建安田顯宗記

嘉澤廟記

正德江山縣志 宣德間主事胡誠記

譙樓記

常山縣志 蔣胤記

察院行臺記

常山縣志 參政西安王畿記

科貢題名記

弘治衢州府志 韓陽撰

義倉記

常山縣志 詹萊記

廣濟驛記

常山縣志 胡拱辰記

官壩記

常山縣志 詹萊記

浮橋記

崇禎衢州府志 吾學題

四賢祠記

崇禎衢州府志 一朱希周題 一文徵明題

湖山神廟記

弘治衢州府志 淳熙二年呂謙記

欽教寺記

常山縣志主事詹在泮記

保安寺記

常山縣志待制程俱記

惠安寺禪堂記

常山縣志府尹詹士龍記

修城記

開化縣志一方豪撰一宋淳撰

城隍記

開化縣志徐文沔撰

重修開化縣治記

弘治衢州府志魯貞撰

歷科題名記

弘治開化縣志胡儼撰

雙溪橋記

弘治開化縣志毛开撰

和平通濟橋記

弘治開化縣志江溥記并書一至順元年魯貞撰一元

統三年張宗元撰

重建和平通濟橋記

弘治衢州府志金寶撰

巨濟橋記

弘治開化縣志鄭原善撰

利澤廟記

弘治開化縣志毛开撰

武安王廟記靈順廟樓記

弘治開化縣志魯貞撰

顯祐廟記

弘治開化縣志程斗撰

招福院覺軒記

弘治開化縣志東萊呂忱中撰

靈山寺大藏記

弘治開化縣志程俱撰

靈山寺記

弘治開化縣志解縉撰

雲門院法華閣記

弘治開化縣志程俱撰

重修靜照圓通閣記

弘治開化縣志金寶撰

重建天童玉霄宮碑記

弘治開化縣志金寶撰

嚴州府

修譙樓記

新定續志校官鄭琦為知州謝奕中撰

重建軍門樓記

新定續志參政徐清叟為知州吳槃撰

洪音樓記

嚴陵志商輅撰

嚴州府重建鐘樓記

萬曆嚴州府志何雲鴈撰

嚴州府修路記

嚴陵志李旻撰

鼎新分守道行臺記

萬曆嚴州府志呂昌期撰

睦州大廳記

集古錄凡二本其一唐元和七年李道古撰其一刁衍撰自唐顯慶至中和刺史一

百一十五人太平興國中知州事二人題名書告一體不著名氏雍熙二年刻名勝志郡廳壁記有三其一

一唐刺史李道古撰其一宋知州田錫撰其一將作監丞刁衍撰

范文正高風堂記

各勝志在大廳東新定碑陰刻泰山壽字

孤高亭記

新定續志知州鄭之悌立石在高風堂庭廡間

修復後樂園記

高曆嚴州府志毛志尹撰

知州題名

新定續志琴川冷世光撰碑陰其一張魏公鈞臺詩其一重修軍門記

浙東觀察判官題名記

輿地紀勝李元賓文

睦州錄事參軍廳壁記

輿地紀勝元和八年皇甫湜撰

建德路罷金課記

嚴陵志至元二十九年四月何夢桂記

進士登科記

新定續志趙清獻公知州日始立石後知州鄭滋易石增廣

續登科記

新定續志知州謝德輿立

儒學鄉貢題名記

嚴陵志王伯撰

溪山偉觀記

新定續志校官蔡瑤為錢可則撰

平糶倉記

新定續志郡人黃蛻為知州李介叔撰

重修浮梁記

新定續志其一三省架閣黃灝為知州鄭之悌撰碑陰舊為蠲減諸縣賦歛省劄知

州宋鈞述其一朝奉大夫徐邦憲為知州謝德輿撰其一郡人方逢辰為知州李介叔撰

重修西湖放生池記

新定續志添倅樓晏為錢可則撰

重修西湖記

建德縣志邑人柳本泰撰

朱買臣祠堂記

輿地紀勝唐太守李頌撰

祠山祠宮記

新定續志淳祐辛丑郡博士桂錫孫撰

城隍廟碑

名勝志唐刺史呂述撰開成五年立石

城隍靈應廟記

新定續志校官鄭址為錢可則撰

梓潼真君行祠記

新定續志權兵部尚書天台葉夢鼎記主管成都玉局觀方逢辰書宗正

少卿留夢

炎題蓋

建德路新創三皇廟記

嚴陵志大德三年正月何夢桂撰

重修廣濟廟碑

嚴陵志胡翰撰

重修廣濟廟記

嚴陵志弘治辛亥九月李德恢撰

建德縣知縣題名記

嚴陵志知建德縣事余植記

建德縣進士登科記

新定續志成淳庚午長王知建德縣事余植記

社倉記

萬曆嚴州府志隆慶戊寅七月王師元記

救荒記

新定續志主管建昌軍仙都觀黃宗仁記并書知臨安府浙西安撫使潛說友題蓋知建德縣

事余植

立石

孝行記

新定續志成淳七年知建德縣事余植記

集義莊記

新定續志郡人方萬里撰知縣孫自中立石

濟川橋記

新定續志校官鄭琦為錢可則撰

重建濟川橋記

嚴陵志賀方撰

新建縣橋記

建德縣志王士性撰

建昌山呂公橋記

萬曆嚴州府志呂昌期撰

胥村義橋記

嚴陵志李德恢撰

重建卯巽二塔記

建德縣志胡宗憲撰

重建三先生祠堂記

萬曆嚴州府志徐階撰

睦州龍興寺碑

金石錄康希銑撰徐嶠之正書開元三年二月

九峰菴記興福院記

名勝志俱宋諫議大夫江公望撰

資福院記

嚴陵志徐萃撰

白雲山法華院記

嚴陵志至元戊子四月何夢桂記

龍興觀記

嚴陵志徐師顏撰

西真宮記

嚴陵志至正丙戌八月何夢桂記

西真宮復旧記

嚴陵志馬泰之撰

勅封翊忠侯記

新定續志嘉熙丁酉校書郎楊幼度記

淳昌二邑界記

淳安縣志邵遠撰

重建譙樓記

嚴陵志淳祐丁未寶章閣待制程公許記

修刻漏記

嚴陵志淳祐丙午三月虞兢記

淳安縣廳壁題名記

嚴陵志宣和六月五日餘杭俞彥與記

修淳安縣治記

嘉靖淳安縣志嘉靖甲申知縣莆田姚鳴鸞記

杜笏軒記

嘉靖淳安縣志乾道三年十二月周莘記

梅隱軒記

嚴陵志至治二年十月邑人夏溥記

淳安縣重建布政分司記

嘉靖淳安縣志邑人商輅撰

錦溪館記

嚴陵志宣和辛丑四月陳曄記

安養院記

嚴陵志開禧二年正月石宗萬記

重建養濟院記 嘉靖淳安縣志 嘉靖壬午十月知縣姚鳴鸞撰

鼎建淳安縣預備倉記 淳安縣志 商顯仁撰

修倉記 嘉靖淳安縣志 嘉靖三年十一月知縣姚鳴鸞撰

義役記 嚴陵志 胡一之撰

安老坊記 嚴陵志 淳熙八年二月漢陽法曹孫呂發記

進士題名記 嚴陵志 一紹興戊辰仲冬知縣事呂南夫記 一邑人商輅記

重興古渠記 嚴陵志 元豐元年仲冬殿中丞方仲謀記

重築青溪隄記 萬曆嚴州府志 萬曆十年九月太倉王錫爵撰

重修百文橋記 嚴陵志 慶元五年十二月胡朝頴記

嘉定橋記 嚴陵志 嘉定元年五月信安鄭湜記

青溪橋記 嚴陵志 淳祐六年華文閣直學士王遂記

合洋惠人橋記 嚴陵志 淳熙八年三月知縣事陳畢記

改建錦溪橋記 淳安縣志 方尚恂撰

富溪仙翁橋碑記 淳安縣志 嘉靖庚寅季冬知縣三山林壘撰

建培風塔碑記 淳安縣志 方尚恂撰

社壇記 嚴陵志 淳熙七年四月知南劍軍州事羅願記

新建朱文公祠堂記 嚴陵志 至治元年九月新安王儀記

靜樂先生祠堂記 嚴陵志 至元甲申承議郎方逢振記

蛟峯先生塑像記 嚴陵志 至順四年徐持敬撰

忠介海公祠碑記 淳安縣志 一邑令翁恕撰 一戴廷魁撰 一嘉靖四十一年徐廷綬撰

新修三祠堂記

淳安縣志嘉靖甲申冬月莆田姚鳴鸞撰

重建葉府君東廟記

嘉靖淳安縣志洪武二十六年中山朱澤民撰

重建西廟記

嚴陵志邑人商輅撰

淳安縣重修城隍廟記

嘉靖淳安縣志弘治己酉八月教諭莆田許仁撰

廣慈禪院記

淳安縣志商民宗撰

靈瑞院碑記

淳安縣志弘治四年九月南京工部尚書邑人胡拱辰撰

天樂觀記

嚴陵志紹興十年九月左朝散大夫方聞撰

靜樂院記

嘉靖淳安縣志熙寧四年進士徐龜蒙撰

龍泉院記

嘉靖淳安縣志政和六年諫議大夫江公望撰

桐廬縣新修城門記

嚴陵志皇南師中撰

縣令題名記

嚴陵志倪天隱撰

續題名記

嚴陵志楊瑱撰

閩仙洞記

新定續志政和壬辰尚書黃裳撰

漢高士嚴君釣臺碑

釣臺集梁肅撰

嚴先生釣臺記

嚴陵志唐戶部郎中崔儒撰博陵崔元書

釣臺記

釣臺集邑祖謙撰

嚴先生祠堂記

嚴陵志范文正公作嚴先生祠堂記命邵疎篆而不顯其名後有人刻其傍曰

宋景祐四年三月初四日而題其前曰希深撰子貞書中五題伯起立蓋子貞乃陳晞有篆名彼方以邵疎不肯見其名欲因以彰之而聞人者復不著其名右刻經方臘之亂不存宣和七年知州凌唐佐重撫於石而不復刻四人所題

重修嚴先生祠堂記

新定續志呂成公作虞伯良書世稱二美舊石毀於火僅存斷缺錢

可則第石
臨鏡之

重修嚴先生祠堂記 嚴陵志 一方區
撰一楊溥撰

高風堂記 鈞臺集 汪藻撰
客星亭記 鈞臺集 程敏政撰

嚴瀨釣臺祭田記 鈞臺集 湛若水撰
董司徒廟記 嚴陵志 朱軾撰

乳泉龍王廟記 新定續志 嘉興丁酉
浙西倉幹陳一中撰

修城隍廟記 桐廬縣志 知縣楊東撰
鍾山寺記 嚴陵志 方鼎撰

覺度禪院記 嚴陵志 朱翌撰
石佛院記 嚴陵志 呂文矩撰

遂安縣吳侯成城記 萬曆遂安縣志
邑人余乾亨撰

遂安城記 萬曆遂安縣志 萬曆丙子王
月禮科左給事中陸鳳儀撰

縣廳題名記 新定續志 知縣錢建撰

重修縣治記 萬曆遂安縣志 縣
學教諭陳泌撰

遂安縣職官題名記 萬曆遂安縣志
邑人詹理撰

平糶倉記 新定續志 淳祐甲辰
郡博士桂錫孫記

遂安縣義倉記 萬曆遂安縣志 萬曆甲
戌十一月山陰王畿書

清暉閣記 新定續志 郡人姜師仲撰
馬儀新野堰記 嚴陵志 陳泌撰

重造浮梁記 嚴陵志 夏溥撰
重修黃村橋記 嚴陵志 陸希和撰

重建東亭橋記 嚴陵志 蕭彥立撰

重建山川壇記 萬曆遂安縣志 萬曆丙
子三月邑人余乾貞撰

社稷壇記 萬曆遂安縣志 邑人陸應龍記

宗正寺丞駕部郎中詹公祠記 遂安縣志 宋
學正俞武撰

瀛山三賢祠記 遂安縣志餘姚錢德洪撰 東嶽行宮記 嚴陵志王通叟撰

無礙寺重建鐘樓記 嚴陵志至正壬辰正月未倬記

重建廣法禪寺記 嚴陵志洪暉撰

靈巖院瀑布記 名勝志唐大曆十二年前濮州別駕康仲熊撰

洞神宮醮室記 嚴陵志吳貫之撰

壽昌縣廳題名記 新定續志知縣黃榮撰

重建縣治記 萬曆嚴州府志葉天麟撰 東嶽行宮碑 嚴陵志王揆撰

文昌祠碑 萬曆嚴州府志馬洛撰

重建遐浴洞仙祠碑 嚴陵志趙必寓撰

過浴洞祈雨感應碑 嚴陵志一陳澤撰

重修城隍廟記 壽昌縣志知壽昌縣事程謨撰

白山廟記 萬曆壽昌縣志大德九年九月洪國瑞撰

大廣安寺碑 嚴陵志吳澄撰 萬松道院記 嚴陵志王揆撰

分水縣放生池記 新定續志知縣李端民撰

制定安寨記 新定續志景定庚申通判曹元發撰

柳山廟記 新定續志紹興間知縣王瑋撰

分水縣靈祐廟記 嚴陵志王禕撰

分水縣重建龍祠記 嚴陵志段天祐撰

鳳翔觀碑 名勝志唐試太子校書郎盛孺安撰

謹按宋時石刻在睦州設廳者有御製戒石銘御書籍田詔錫宴戒州縣御筆戒貪并錄勛齋御札訓廉

御札申用全會入納回降本末申免嚴婺兩易米絹始末減免丁錢鹽絹本末在高風堂庭廡間者有經總制錢始末申用全會納坊場錢本末瑞麥宣付史館省劄撥代解婺州絹糶米餉軍省劄在州學者有御製至聖文宣王贊及加號詔御書入刑入行詔皇帝賜辟雍詔御書孝經御書賜學官詔在建德縣者有紹興恤刑詔紹興御筆耕田手詔嘉允蠲減版賦始末在淳安縣者有紹興御書耕田手詔蠲減經總制錢記在壽昌縣者有蠲減官錢始末蓋當時御詔省劄守令煩皆刻石廨舍所在多有不能遍錄

溫州府

重修溫州衛治記

萬曆溫州府志 太平謝鐸撰

重建溫州府中軍營記

萬曆溫州府志 兵備湯日昭撰

東嘉開河記

萬曆溫州府志 葉適撰

溫州重修南塘記

萬曆溫州府志 淳熙十四年三月陳傅良撰

永嘉沙城記

永嘉縣志 中允羅洪先撰 一參政項喬撰

謝婆埭記

萬曆溫州府志 萬曆二十年郡人王叔景撰

石室碑

輿地紀勝 在永嘉縣應符鄉大羅山之石室 上有石夫人及古石碑在天柱寺後

忠靖王廟記 仁濟廟記

永嘉縣志 學士宋濂記

重修漢東甌王廟記

萬曆溫州府志 王叔景撰

章恭毅公廟碑

永嘉縣志 信公新祠記 江心志 謝鐸撰

重修文丞相祠記

萬曆溫州府志 提學副使吳江趙寬撰

卓忠貞公祠記

萬曆溫州府志 金陵焦竑撰

龐公祠記

永嘉縣志 王諍撰

重建文文山公祠記

江心志 邑人葉式撰

江心寺記

江心志西蜀周洪謨撰

江心寺復香燈田碑記

江心志郡人侯一元撰

重修西塔記

江心志郡人王淵撰

重修江心孤嶼東塔記

江心志萬曆二十年淮陰王典書

容成太玉洞天道院記

萬曆温州府志萬曆辛丑十月王光蘊撰

樂清城記重修盤石衛城記永昌堡記

萬曆温州府志侯一元撰

樂清縣樓記

樂清縣志袁采撰

樂清縣廳記

樂清縣志令周邠撰

徐公埭記

萬曆温州府志侍郎王啟撰

重修蒲岐海塘記

萬曆温州府志朱諫撰

萬公塘記

樂清縣志王實撰

萬橋記

萬曆温州府志萬規撰

樂清三賢祠堂記

萬曆温州府志葉適撰

王謝祠記

萬曆温州府志王叔杲撰

王忠文祠記

樂清縣志林俊撰

能仁寺記

樂清縣志曾逮撰

白巖院記

雁山志王十朋撰

勅賜靈巖寺額記

雁山志通判鄭尚文撰

重建靈巖佛殿記

雁山志奉化戴洵撰

瑞安縣治題名記縣學科貢題名記

瑞安縣志縣令王士翹撰

壺山獅巖寨壁記

瑞安縣志湯溪訓導秦激撰

備賑義倉記

瑞安縣志括蒼何鏞撰

重修石岡陡門記

瑞安縣志淳熙十二年三月陳傅良撰

重築甌南塘路記

瑞安縣志瑞安令周大章撰

中洲渡濟涉亭記

瑞安縣志石城教授林桴撰

疏天井洋亭碑記

瑞安縣志來安教諭金鰲撰

忠烈武義侯廟記

瑞安縣志葉適撰

廣濟廟記

瑞安縣志曹睿撰

重建忠義廟記

瑞安縣志黃思親撰

顯祐廟記

瑞安縣志秦激撰

仙巖止齋祠記

仙巖寺志王叔果撰

新置卓公祭田記

瑞安縣志瑞安令周悠撰

仙巖寺碑銘

輿地紀勝唐司空表聖文

重修仙巖塔記

仙巖寺志番陽釋廷俊撰

民天堂記

隆慶平陽縣志翰林編修南城羅地撰

愛民堂記豐暇堂記

隆慶平陽縣志嘉定元年劉天益撰

州內河記

萬曆溫州府志林景熙撰

上河埭記

隆慶平陽縣志至正丁亥仲秋史伯璿記

江口陡門記

萬曆溫州府志蘇伯衡撰

普照收惠雲院記

南雁蕩志刑部尚書周坦撰

建置記

泰順縣志教諭熊相撰

新建城垣記

泰順縣志永嘉葉式撰

增城記

泰順縣志蕭奇助撰

新建公館記

泰順縣志人董鑑撰

建養濟院記

泰順縣志邑人張琪撰

重建太平橋記

泰順縣志一知縣潘仲蘭撰一教諭吳國器撰

重建愛薰橋碑記

泰順縣志涂鼎鼐撰

重建仙居橋記

泰順縣志邑人董玟撰

重建洪口東渡橋記 泰順縣志邑人曾申撰

新建城隍廟記 泰順縣志熊相撰

處州府

重修郡城記 和栢蒼彙紀宣和間黃安記 郡廳壁記 名勝志唐韋紆撰

舊州治記 名勝志紹興庚戌五月俞良能記

遷州治記 名勝志至元二十七年總管幹勤好古記

處州府治經濟堂記 栢蒼彙紀嘉興張伯淳記

處州府外庫記 續處州府志萬曆二十三年知府任可容記

處州府題名碑 續處州府志知府任可容記

處州孔子廟碑 金石錄韓愈撰任迪行書太和三年十月與地紀勝唐元和中刺史李繁建

廟韓愈為之碑杜牧收書其碑陰遭亂不存宣和中知州黃葆光模刻於學而碑陰猶闕

處州威武營記 續處州府志萬曆十一年葉志淑記

處州衛重建教場記 栢蒼彙紀無錫邵寶記

三賢祠記 栢蒼彙紀御史王獻之記 泗國公祠記 栢蒼彙紀郡人樊獻科記

二忠祠記 栢蒼彙紀分守參議勞堪記

詹南二司馬廟記 栢蒼彙紀郡守關景暉記

栢蒼驛記 栢蒼彙紀郡人張敦仁記

分守道廣益軒記 栢蒼彙紀漳浦朱天球記

萬象山碑 崇禎處州府志太守鄭懷魁撰

沙門明本萬象山崇福寺記 崇禎處州府志吳興趙孟頫書

刺史李銘送行記

輿地紀勝正元中李為刺史朝野之贈行者二十三人石刻今存

邁里古思平寇碑

東陽縣志至正十七年七月馬道貫撰

麗水縣舊廳壁記

名勝志宋楊億為縣令甄旦撰

重修麗水縣治記

枯蒼彙紀孟淳記大德七年

麗水縣教場記

枯蒼彙紀邑人陳中州記

通濟堰記

枯蒼彙紀范成大重修自為記

通濟堰記

枯蒼彙紀年邑人何鏗記

濟川橋記

續處州府志萬曆二十八年項應祥記

重建濟川橋碑記

雍正八年浙江總督彭城李衛撰

好道廟碑

輿地紀勝在麗水縣東十里唐大中十年刺史段成式作廟記今存

麗陽廟記

枯蒼彙紀唐張璠記

麗陽廟復田記

續處州府志萬曆二十一年吳興李焯記

佛頭巖塔記

續處州府志萬曆二十二年文似韓記

唐青田縣尉楊光于作隱難記

輿地紀勝在麗水縣北六十里之東巖

唐贈歙州刺史葉公神道碑

輿地紀勝李邕撰韓擇木八分書其石蓮自雲川擊

之鏗然有聲今在麗水縣北一百二十里冲真觀中

陳松司馬墓碑

輿地紀勝在麗水縣西四十里郎其山下碑及銘記並任省公文

青田縣築城記

枯蒼彙紀嘉靖三十五年邑人陳中州記

青田縣重修縣治記

青田縣志邑人王一中撰

南山堂記

枯蒼彙紀殷雲霄撰

宗文樓題名記

青田縣志張天顯撰

誠意伯廟記

括蒼彙紀吏部尚書魏夔記

平成廟碑

括蒼彙紀邑人陳詒記

城隍廟記

青田縣志邑人王闔孫撰

重新縉雲縣治記

縉雲縣志李銑撰

縉雲縣孔子廟記

金石錄李陽水撰并篆書集古錄其文曰有唐新上元七月甲辰縉雲令

李陽水修文宣王廟煥夫子之宮貌增侍立之九人其餘六十二子並圖書屋壁

呼峰驛記

括蒼彙紀隆慶三年邑人李鍵記

縉雲縣城隍廟記

集古錄唐李陽水篆并撰陽水禱雨因移建於山上碑以乾元二年立石

忘歸臺銘窪樽銘

各勝志在吏隱山去縣東北三十步其文曰唐乾元間李陽水為縉雲令

任滿挈家歸隱於此築忘歸臺鑿巖為窪樽篆書吏隱山三字又作銘

玉虛宮記

括蒼彙紀虞集記

永寧寺記

括蒼彙紀李棠記

南田阮公將臺感應碑

縉雲縣志程文德撰

松陽縣治譙樓記

括蒼彙紀邑人毛文邦記

松陽縣重建正堂記

括蒼彙紀邑人曾汝檀記

松陽縣進士題名記

松陽縣志宋馬光祖記

松陽縣城隍廟記

松陽縣志萬曆二十四年永嘉王叔臬記

松陽縣重建城隍廟記

松陽縣志崇禎十六年義烏張國維記

東嶽行宮記

松陽縣志天啟元年郡人王一中記

魏公祠記

括蒼彙紀郡人何鏜記

追魂碑

輿地紀勝在松陽永寧觀唐故有道先生葉公碑李邕撰并書法善之祖也世傳法善求邕書

不可得夜迫其魂書之俗謂之追魂碑恐未必然人愛其字摹打不已黃冠潛毀之

資聖寺記 松陽縣志 宋臨川王安國記 延慶寺塔記 松陽縣志 朱琳記

普濟院記 松陽縣志 元大德間四明陳晟記

正等寺記 松陽縣志 邑人沈晦記 逍遙觀記 松陽縣志 宋葉仲謙記

松陽縣經界記 松陽縣志 洪武三年夏四月程榆撰

百仞堰記 續處州府志 在百仞山下 萬曆二十六年四月明屠隆記

遂昌縣新作土城碑 崇禎處州府志 湯顯祖為前令奉志會作

遂昌縣重建縣治記 遂昌縣志 崇禎二年知縣胡順化記

遂昌前令姓名名碑記 遂昌縣志 宋邑令錢長侯撰

遂昌縣進士題名記 遂昌縣志 宋邑令張根撰

遂昌縣鄉貢題名記 遂昌縣志 陳質撰

遂昌縣進士題名記 枯蒼彙紀 吏部尚書唐龍記

遂昌縣舉貢題名記 遂昌縣志 縉雲李寅撰

胡公堤記 遂安縣志 邑令鄭必明記

雙峯塔院記 遂昌縣志 張貴謨記 慶元丁巳夏

龍泉縣勸儲倉記 古枯遺芳 陳希點撰

濟川橋記 枯蒼彙紀 一紹興二十八年十月季南壽記 嘉靖十三年長沙張裕記 一萬曆二十七

披雲橋記 龍泉縣志 洪武丙辰王禕記

王先生祠堂記 龍泉縣志 金華王禕撰 蔣溪堰記 枯蒼彙紀 周莊記

胡公威德碑銘 龍泉縣志 練魯撰

清德碑銘 龍泉縣志 邑人李溥撰

文昌武安二祠記

龍泉縣志邑人鄭奎光撰

金沙塔院記

龍泉縣志浦城楊億撰

崇因薦福禪院金光明閣記

龍泉縣志淳熙十六年七月邑人何澹撰

玉峯寺碑

龍泉縣志金華宋濂撰

資聖寺記重建集福寺記

龍泉縣志皆邑令鄭奎光撰

萬壽宮記

枯蒼彙紀崇寧四年秋七月何執中記

建慶元縣經始記

慶元縣志嘉泰元年十月知縣富嘉謀記

築慶元城記

枯蒼彙紀嘉靖二十五年政和陳桓記

慶元縣重修譙樓記

續處州府志萬曆二十九年知縣熊懋官記

竹口公館記

枯蒼彙紀兵備副使夏浚記

槎溪橋記

慶元縣志鄭壁撰

通濟橋記

續處州府志萬曆二十二年縉雲鄭汝壁記

楊公橋記

慶元縣志台州陳雨輝記

石龍塔院記

慶元縣志嘉靖三十七年教諭吳瑞記

雲陽礪記

枯蒼彙紀知縣黃一桂修隆慶辛未記

宣平縣題名記

枯蒼彙紀馬愈記

宣平縣師題名碑

宣平縣志天啟七年王嗣爽題

禪德祠碑銘

宣平縣志朱朝議大夫試吏部尚書韓元吉撰

重修章侯廟記

宣平縣志宋孝宗六年從事郎參軍蔡伯尹記并書立石

肯堂朱公祠堂碑銘

宣平縣志宣教郎主管尚書刑工部架閣文字張應高撰

王節婦戴氏守志菴記

宣平縣志正德七年三月邑人梁鏞撰

霖應碑宣平縣志吉

三元真君廟碑宣平縣志邑報德祠記枯蒼彙紀遂

普照寺碑宣平縣志朱至和二年十一月沙門普祥述并書

重修延福寺記宣平縣志天順七年鮑村巡檢桃溪陶孟端撰

慶恩寺碑宣平縣志知縣五羊何昌撰成化二十二年丙午春

天澤寺記宣平縣志孟淳記

雲巖寺碑宣平縣志嘉靖甲寅秋鄭一忠書

冲真觀碑宣平縣志里人吳德華壽藏銘書法酷似聖教序蓋洪武年間東陽吳某書也尚未泐蝕

妙真觀記宣平縣志大德庚申驃騎大將軍東道宣慰副使李思衍記

圓通堂碑記宣平縣志皇慶元年雲石居士潘榆撰

宣平縣義倉記枯蒼彙紀萬曆五年何鏗記

通遷渡記枯蒼彙紀王深源記 三元橋記枯蒼彙紀麗水王頃記

通濟橋記宣平縣志知縣蕭彥重建自為記

重修永成橋記宣平縣志萬曆丁巳麗水令張朝綱撰

瑞麟亭記枯蒼彙紀為大學士徐階立知縣蕭彥記

澍樂亭記宣平縣志金溪黃文豹記萬曆癸未

馬夫人廟記枯蒼彙紀唐縉雲縣令李陽冰記

重建澄照寺記萬曆景寧縣志成化六年潘琴記

勅修浙江通志卷二百五十八

蘇州府志卷二百五十八

重慶登照志

宣平縣志 重慶登照志

漁夫人瘋

蘇州府志 漁夫人瘋

樹樂亭

蘇州府志 樹樂亭

崇觀亭

蘇州府志 崇觀亭

重刻永叔

蘇州府志 重刻永叔

蘇齊

蘇州府志 蘇齊

蘇齊

蘇州府志 蘇齊

宣平

蘇州府志 宣平

三不

蘇州府志 三不

勅修浙江通志卷二百五十九

藝文一

文章經國之大業與政治通故曰文以載道非是則言之無徵焉會稽文士立言粲盛見於朱育之對畢君春榮上下千百年間述作已云大備顧名山川石室之藏搜羅未盡第擇其有關吏治民生山川風土者存什一於千百云志藝文

詔

漢武帝賜嚴助詔

詔會稽太守君厭承明之廬勞侍從之事懷故土出為郡

吏會稽東接於海南近諸越北枕大江間者闕焉久不聞
問具以春秋對毋以蘇秦縱橫

晉元帝恤吳郡饑詔

天下凋弊加以災荒百姓困窮國用並匱吳郡饑人死者
百數天生烝黎而樹之以君選建明哲以左右之當深思
以救其弊昔吳起爲楚悼王明法審令損不急之官除廢
公族疎遠以附益將士而國富兵強況今日之弊百姓凋
困邪且當去非急之務非軍事所須者皆省之

晉孝武帝除三吳租布詔

三吳輿壤股肱望郡而水旱併臻百姓失業夙夜惟憂不
能忘懷宜時拯卹救其凋困三吳義興晉陵及會稽遭
之縣尤甚者全除一年租布其次聽除半年受賑貸者卽
以賜之

宋太宗曲赦兩浙德音

惟皇建極括寓縣以開階惟辟奉天法陽春而流惠我國
家丕承大業光宅中區奄三代之提封盡歸王化撫萬邦
之生聚皆樂皇風遐又吳越國王錢俶遠效忠規嘉逢昌
運走梯航而入覲叩宸展以披誠願輸奕世之士疆盡入
大朝之封域睠茲恭順特議允俞言念吳方久疎王澤當
混同之資始均茂育以攸宜爰頒在宥之文俾預太平之

化應兩浙管內云於戲四海一家既大同於文軌三吳百越屬初被於照臨固於撫御之間良軫寐興之念彼中官吏差去使臣更施存恤之方廣示懷柔之道令其富庶慰朕焦勞告示遐方知予厚意

宋太宗均租詔

詔兩浙諸州先是錢俶封國之日民多流亡棄其地爲曠土宜令所在籍其墾畝之數均其租每歲十分減其三以爲定制仍給復五年召游民勸其耕種厚慰撫之以稱吾務農厚本之意

宋眞宗吳山廟 秋建道場詔

詔曰杭州吳山廟神實主洪濤津書往冊頃者湍流暴作閭井爲憂致禱之初厥應如響禦災捍患神實能之用竭精衷有加常祀庶憑誠感永庇吾民宜令本州每歲春秋建道場三晝夜罷日設醮其青詞學士院前一月降付

宋高宗放免租稅詔

朕遭時艱難遂爲行國凡駐蹕去處理合優異寬恤民力始稱朕懷其臨安府諸縣人戶拖欠稅租等物依去秋明堂敕令各行倚閣者並特與放免如官吏日後復行催納者依沮格詔令科罪

宋高宗罷修造詔

東晉書卷之九
比移蹕臨安六宮尚畱會稽者政緣不欲增廣行闕重困
民力訪聞行在係官修造去處甚多可日下並罷自今後
非得旨許令增修而輒敢擅役人夫者令御史臺糾彈以
聞仍令尚書省出榜曉示頒行

宋高宗蠲免兩縣民戶地基和買詔

比聞臨安府錢塘仁和兩縣昨經兵火焚毀其民戶居止
唯存地基而又有爲官府營寨拘占者尚依舊家業錢均
敷和買絹數既無從出豈免逋負嗷呼催索在所愍恤可
命本府并轉見爲官占去處許計家業錢蠲免絹數仍具
榜示

宋高宗親耕藉田詔

朕惟兵興以來田畝多荒故不憚卑躬與民休息今疆場
罷警流徙復業朕親耕藉田以先黎庶三推復進勞賜者
老嘉與世俗躋於富厚昔漢文帝頻年下詔首推農事之
本至於上下給足減免田租尤於史冊朕心庶幾焉咨爾
中外當體至懷

詰

宋孝宗賜臨安府尹周淙詰

畿方千里俗具五民趨利者率多巧僞忘身者公肆奪攘
非閑之以義守之以信求囹圄之空未易得也卿以吾上

嗣尹正自司事以來風流篤厚禁網疎闊刑罰用稀今也
俾無一人之獄足以副吾欽恤之意矣賀章來上嘉歎不
志

制

盧元輔除杭州刺史制

唐白居易

河南縣令盧元輔早以學藝列在周行嘗守商都頗聞有
政再領京縣益見其才江南列郡餘杭爲大征賦猶重疲
人未康藉爾登車往分憂矚勞徠安輯稱朕意焉賞賢旌
能以佇報政可

李訥除浙東觀察

兼御史大夫制

唐

杜

牧

仲尼以舉賢才則理大禹以能官人則安况西界浙河市
淹左海機杼耕稼提封七州其間繭稅魚鹽衣食半天下
不有可使豈宜委之正議大夫使持節華州諸軍事守華
州刺史兼御史中丞充潼關防禦鎮國軍等使上柱國隴
西縣開國男食邑三百戶賜紫金魚袋李訥溫良恭儉齊
莊中正實以君子之德華以才人之辭揚歷清顯昭彰令
聞輟自掌言式是近輔子貢爲清廟之器仲弓有南面之
才智莫能欺剛亦不吐表率教化皆有法度今者兵爲農
器革作軒車言於共理在擇循吏是故用已效之績託分
寄之任擁蓑旆而服元玉化千里而有三軍儒者之榮莫

過於此孔子曰仁者愛人智者知人愛人則疲羸可蘇知人則才幹不棄土宇既廣殺生在我考此二者可以報政榮加副相用歷大邦爾其勉之無忝所舉可使持節都督越州諸軍事守越州刺史兼御史大夫充浙江東道都團練觀察處置等使散官勳封賜如故

許懋為兩浙轉運副使制

宋曾鞏

勅具官某朕擇遣使者分部而治雖以將漕為稱然實總民政之舉措察吏屬之能否蓋連數十城之地舉而屬之其選豈不重哉爾詳練敏明宜服予采蓋爾之職非止於督賦斂斷獄訟而已惟除苛息擾可以使民遂其宜惟務實去華可以使吏駟其行宣恩德而美風俗待爾能為官可不勉與以祇朕命可

兩浙轉運副使許懋可令再任制

宋蘇軾

勅具官許懋吳越之人凋敝久矣朕方蠲理繁碎以安養其衆非得循吏察視郡縣均通有無則民何賴焉以爾儒術精通吏事詳敏歷年於茲民之於政既信之俗必易為功庶無新故更代之勞而有上下相安之美勉修前業無怠日新可

行知杭州葉夢得復舊職制

宋汪藻

股肱宣力四方實寄藩維之重精神折衝千里允資師帥

之良矧吾左右之臣殿彼東南之服雋功來上褒渥可忘
具官早以時才揚於禁路粹矣朝廷之表歸然人物之英
治必有聲能使可居之官大動皆中節故每不勞而功成
比緣蛇豕之妖未正鯨鯢之戮篁竹深阻谿山繹騷廼據
堂上之奇盡服潢中之衆惟三仕三已莫明令尹之心故
七縱七擒微見武侯之畧宜還寵數用示眷懷尚加厲於
壯猷庶永綏於遐俗可

本待問知湖州制

宋樓鑰

勅具官某儒科首選宦達相望儲禁舊僚收用畧盡慈皇
初開南省爾則爲多士之先冲人頃居東宮爾則任端尹
之寄而十年以來欲仕輒已朕嘗念之惟近臣爲明當塗
之誣浮議遂定吳興劇郡視古左馮衆所憚爲舉以試女
勿以多言爲畏倚需最課之聞高爵美官豈於汝吝可

新知紹興府倪思改知婺州制

宋樓鑰

勅具官某視禁林之草原藉於通儒分輔郡之符俯從於
忱請相才旣審易地皆然爾學優而醇文麗以敏蚤登宏
博之選徑上清華之途翰院詞垣擅兩制絲綸之美經帷
史館極一時筆橐之榮擢武儀曹獨司秩祀拭圭出使握
節言旋曾坐席之未溫遽抗章而自列豈久勞侍從之事
遂厭直承明之廬懷會稽太守之章致勤再命繼東陽隱

侯之詠去擁一麾勉爲朕行毋輕民事詞人而任岳牧初
無內重之偏宣室之對鬼神當俟政成之後可
、教

、舉潘綜吳達孝廉教。

晉 王韶之

前被符孝廉之選必審其人雖囚科難該文質寡備必能
孝義邁俗拔萃著聞者便足以顯應明敷允將符旨烏程
潘綜守死孝道全親濟難烏程吳達義行純至列墳成行
咸精誠內淳休聲外著可並察孝廉

永嘉郡教

梁 邱遲

貴郡控帶山海利兼水陸實東南之沃壤一郡之巨會面
曝背拘牛履空於畎畝績麻治縣無間於
不修桑榆靡樹遨遊鄼里酣醕卒歲越伍乖隣流宕
才異相如而四壁獨立高慚仲蔚而三徑沒人雖謝文介
之正俗庶幾龔遂之移風

表

薦賀循表

晉 陸機

伏見吳興武康令賀循德量茂才鑒清遠服膺道素風
標疑峻歷踐三城刑政肅穆守職下縣編名凡萃出自新
邦朝無知已恪居遐外志不自營年時倏忽而邈無階緒
實州黨愚智所爲悵然臣等並以凡才累授飾進被服恩

澤忝豫朝末知良士後時而守局無言懼有蔽賢之咎是以不勝愚管冒死表聞

為杭州刺史崔元將獻綠毛龜表

唐李嶠

臣聞五氣殊方元龜列於元武四靈異稟神蔡遊於紫泉龍藏往知來發祥祚聖大禹之永終天祿文薦九疇降龜之乃命帝庭兆言三吉永言祕寶錄存繚簡伏惟皇帝陛下蘊靈沙劫屈道璿樞推正覺而御彝倫弘大悲而撫羣俗雲行雨施之澤下漏三泉春生夏長之仁曲成萬物恩洎草木惠覃飛走天澤感氣而延和神靈應德而呈瑞伏見所部錢唐縣人羅幹於市內水中獲毛龜一枚修尾

長頭元甲綠毳名掩於楚宗狀奇於靈繹雖六辟在首不足尚其禎祥五色成文詎能齊其詭異伏冀著而自久下運芳而暫出美兼曠代休踰羣祉謹按孫氏瑞應圖曰王者德澤湛漬漁獵從時則靈龜出禮舍文嘉曰內外之制各得其宜則山澤出靈龜陛下解網收罟弘天地之大德創制改物窮帝王之能事宜其膺受冥貺克享珍符且益有士朋表賢才之入用壽踰千祀彰聖曆之無疆嘉祉不召而自臻乾象無祈而潛應臣謬當重寄親奉洪庥靈異受臻既駭於常觀忭舞胥屬實兼於恒品無任慶躍之至

進瑞瓜頌表

唐柳宗元

東仙湖江通志 卷一百五十九 九
臣某等今日內出浙東觀察使賈全所進越州山陰移風
鄉產瑞瓜二實同蒂圖示百僚者寶祚維新嘉瑞來應式
彰聖化克表天心臣等誠慶誠賀頓首頓首伏惟皇帝陛
下保全太和緝熙黎庶馨香上達淳化旁行嘉瓜發瑞來
自侯服質惟同蒂見車書之永均地則移風知化育之方
始雖七月而食幽土歌王業之難五色稱珍東陵詠嘉瓜
之會未聞感通若斯昭著者也臣某等遭逢聖運親仰珍
圖忻蹈之誠倍百恒品無任慶悅之至

杭州刺史謝表

唐白居易

臣居易言去年七月十四日蒙恩除授杭州刺史屬汴路
未通取襄漢路赴任水陸七二餘里晝夜奔馳今月一日
到本州當日上任訖上分憂寄內省庸虛仰天戴恩跼地
失次臣居易謬因文學忝廁班行自先朝黜官已來六年
放棄逢陛下嗣位之後數月徵還生歸帝京寵在郎署不
踰年擢知制誥未周歲正授舍人出泥登霄從骨生肉唯
有一死擬將報恩旋屬方隅不寧朝廷多事當陛下盱食
宵衣之日是微臣輸肝寫膽之時雖進獻愚衷或期有補
而退思事理多不合宜臣猶自知况在天鑒忝非土木如
履冰泉合當鼎鑊之誅尚忝藩宣之寄才小官重恩深責
輕欲答生成未知死所唯當夙興夕惕焦思苦心恭守詔

東坡志林卷之二十一
十一
條勤卹人庶下蘇凋瘵上副憂勤萬分之恩莫酬一二仰
天舉首望闕馳心葵藿之志徒傾螻蟻之誠難達無任感
恩激切之至

為杭州李使君論李藏用杭州功表 唐 獨孤及

臣及言臣聞當逆賊劉展擁兵過江之日變起倉卒鋒不可當人心動搖物情危殆五道節制望風潰散自淮而南至於海隅無敢保一城能守一節者唯少府少監李藏用以宗室近屬憂國如家臨危抗憤忠勇奮發收聚散卒糾合義士挺身履險出萬死一生之地與賊轉戰堅守蘇州相持經月殺獲過當使凶賊徒黨鋒銳挫衄其後以外援

不至眾寡懸絕遂移師就險退保杭州當此之時江淮軍士已散平盧之師未至三分全吳賊有其二藏用且募戰士獨守孤城以忠義感激令驍勇樂用旬月之間致死士三千賊遣僞將張景超孫待封等盡銳率眾分道來攻藏用與士卒等戮力一心義形於色殊死決戰奮不顧身遂能兵鋒所加無不摧陷皆一舉盡敵覆而屠之前後俘斬虜獲至數萬計向微斯人之功捍此州之境則江畧土宇盡為敵疆海隅蒼生非復我有 云云

謝賜鐵券表

宋 錢鏐

恩旨賜臣金書鐵券一道臣恕九死子孫三死者出於睿

卷形此綸言錄臣以絲髮之勞賜臣以山河之誓鐫金作
誓指日成文震動神祇飛揚肝膽伏念臣爰從筮仕逮及
秉旄每自揣量是何叨忝行如履薄動若持盈惟憂福過
禍生敢冀慎初獲末豈期此志上感宸聰憂臣以處極多
虞慮臣以防閑不至遂關聖慮永保私門勗臣以功名申
諸帶礪雖君親囑念皆云必恕必容而臣子爲心豈敢傷
慈傷愛謹當日謹一日戒子戒孫不敢因此而累恩不敢
承此而賈禍聖主萬歲愚臣一心臣誠惶誠恐頓首頓首

杭州謝放罪表

宋蘇軾

臣近以法外刺配本州顏章顏益二人上章待罪奉聖旨

特放罪者職在承宣當遵三尺之約束事關利害輒從一
切之便宜曲荷天慈不從吏議伏念臣早緣剛拙屢致憂
虞用之朝廷則入耳之疾形於言施之郡縣則疾惡之心
見於政雖知難每以爲戒而臨事不能自回苟非日月之
明肝膽必照則臣豈惟獲罪於今日久已見傾於衆言恭
惟皇帝陛下濬哲生知清明旁達委任羣下退托於不能
愛養成材惟恐其有過知臣欲去一方之積弊須除二猾
以示民特屈憲章以全器使臣敢不省循過咎祇服簡書
眷此善良自不犯於律法時有貸捨用益廣於堯仁

杭州謝上表

宋蘇軾

入奉禁嚴出膺方面皆人臣之殊選在儒者以尤榮臣受寵逾涯積憂成疾既思退就於安養又欲少逃於滿盈仰荷至仁曲從微願江山故國所至如歸父老遺民與臣相問知朝廷輟近侍爲太守蓋聖主視天下如一家鞭扑未施爭訟幾絕臣之厚幸豈易名言此蓋伏遇太皇太后陛下天地之仁賢愚兼取日月之照邪正自分每包涵其蠢迂欲保全其終始兄弟孤立嘗親奉於德音死生不移更誓名於晚節

湖州謝上表

宋蘇軾

臣軾言蒙恩就移前件差遣已於今日二十日到任上訖者風俗阜安在東南號爲無事山水清遠本朝廷所以優賢顧惟何人亦與茲選伏念臣性資頑鄙名迹堙微議論闕疎文學淺陋凡人必有一得而臣獨無寸長荷先帝之誤擢寘之三館蒙陛下之過聽付以兩州非不欲痛自激昂少酬恩造而才分所局有過無功法令具存雖勤何補罪固多矣臣猶知之夫何越次之名邦更許借資而顯授顧惟無狀豈不知恩此蓋伏遇皇帝陛下天覆羣生海涵萬族用人不求其備嘉善而矜不能知其愚不適時難以追陪新進察其老不生事或能牧養小民而臣頃在錢塘樂其風土魚鳥之性既自得於江湖吳越之人亦安臣之

教令敢不奉法勤職息訟平刑上以廣朝廷之仁下以慰父老之望臣無任悚惶激切之至

明州謝到任表

宋 蔡肇

失職之誅尚容自劾非常之寵更以曲加弗獲固辭具嚴名訓刃塵特甚感涕難勝臣聞人有能有不能聖主量材而授職仕或去或不去人臣秉義以事君儻已試而可知敢懷安而自止雖君父保全之恩厚不汝瑕疵顧國人可否之論公有覲面目伏念臣昨緣省戶擢置詞垣盡出聖神獨斷之明本無左右游談之助然名過其實者殆用非所習則窮况逢聖治之日新竊仰睿聖之天縱咸池張洞

庭之野海鳥炫驚秋水灌漑涘之波臣自蕩莫知攸宜厚厥愆敢期全度之恩更溢褒嘉之典既聯法從仍俾名城恭惟皇帝陛下如天覆臨以生以遂薄海內外悉主悉臣眷甌粵之偏陬控東南之美浸鱗蛟霧濕之所蟠鬱夷隸銅船之所往來方旋反於使輅將嗣修於貢職謂宜推擇以重拊循而成結約無奇開闢少與徒谿潭之醜類素乏雄文賈客之購金初無佳句矧今郡國守令之政具存典謨訓誥之書奉以周旋雖不能識其大者求之度數庶幾或推而行之有以及民是為報國

湖州到任謝表

宋 晁補之

臣補之言奉敕就差知湖州已於四月二十九日到任訖始解蒲中卽臨書上去股肱之要郡得山水之名城除授每優事功常歎愚衷內揆感涕交揮臣補之本以寒生起於下國艱勤少日旣孤露以不天問學長年又僻違而無類未足稱王良之選奚取銓衡不能措游夏之辭何知筆簡一昨所自陳列皆出悃誠已憂疾憊之莫勝更覺才殫之難強恐隕越無以塞責故遵循冀於食功終賴察微俾從補外速令移徙復竊便安然臣自惟何人微倖乃得若此斯蓋伏遇皇帝陛下道光前烈仁覆羣倫瑾瑜所貴於器假官制可於前代置故容器使屢及下材而臣以五十

歲服官之時當二千石共理之任有心許國蓋蚤脫於
員無地輸忠但益修於常職臣無任感天荷聖激切屏營
之至

湖州到任謝表

宋 王十朋

遠憶承流之循良之善政近藩改命仰覆載之隆恩祇領
訓詞彌增感涕伏念臣五年去國兩地分符饒俗浩穰有
難調之巨室夔疆瘠鹵介絕險之烏蠻但思治已以先人
豈忍擾民而生事幸田里安其不奪而獄訟由之少稀敢
曰懷歸實緣多病輒控祠庭之請屢干展寧之嚴旣寬斧
鉞重誅復昇股肱佳郡瞻清光於便殿展素蘊之忠言謂

能卹民忽蒙天語見獎徙於近地極佩聖德無涯何意哀
庸有此遭際茲蓋伏遇皇帝陛下至仁兼被大智難名憐
臣守志弗渝知畱心於惠養奉躬匪懈甘盡節於勤勞故
降異除華於朽質臣敢不持循憲度効法京師詠靈沼於
真卿深體好生之德恢儒官於安定益陶善教之風

嚴州謝到任表

宋 陸游

穿延和之細仗面咫尺天佩新定之佐符秩二千石叨塵
過分感懼交懷中謝臣聞明主恩深書生命薄唐帝之知
李白一官不及於生前漢皇之念相如遺稿徒求於身後
况如臣輩改望昔人猥緣一技之卑嘗綴百僚之末雖簪

笏久違於昨謁乃姓名猶在於滌表乘傳來歸兩奉召還
之旨懷章欲上亟蒙趨對之榮親降玉音俯憐雪鬢勞其
久別蓋寵嘉近侍之所宜勉以屬文實臨遣守臣之未有
茲蓋伏遇皇帝陛下睿謨冠古英斷如神肆筆成書千載
獨高於聖學研經汲古諸儒絕企於清光以臣夙被化於
明時憐臣未廢書於晚歲將激昂其素志故闕畧於往愆
臣敢不戴使愚使過之恩念有社有民之寄懇棠陰而聽
訟期無墜於家聲及瓜戍而代歸尚少酬於君賜

湖州到任謝表

宋 王炎

便朝賜對近輔班條起居閒散之餘付以蕃宣之寄喜非

所望懼不能堪伏念臣曩以散才濫升鄉貫老隨災至命與志違入三館者四年取疵不掩把一麾者數月瘡痍已成坐此罷歸宜其永廢乃從家食驟得守符况古稱茗書之間湖山清遠而今此京畿之內事物浩穰自揆何人可居此地第緣疎淺不敢控辭識闇慮疎何以撥煩而治劇身衰氣憊難於扶弱而仆強縱欲佩韋終虞傷錦恭遇皇帝陛下皇明日照聖度天涵在知人而能官人雖加遴選善取物而無棄物亦或兼收臣敢不益戒曠官深思補過寧徯料之政拙惟務便民但冀大之意行是爲報國

浙東提舉到任謝表

宋 熹

宣教郎直祕閣提舉兩浙東路常平茶鹽公事臣朱熹上表臣言準告授臣前件差遣填見闕臣已於今月六日就本路蕭山縣交割職事訖者擢於偏壘付以外臺便道造朝單車詣部延見父老問其疾苦之因宣布詔書諭以丁寧之意榮逾望表懼溢情涯伏念臣生長田間棲遲林壑居然樸拙見謂迂疎潛心切慕於師承行已敏于於義命會逢聖日恭預時流驟自草萊起分符竹乾坤大德施且不貲螻蟻私情報於何有屬歉歲民無艱食詔愚臣職有微勞寵之冊府之華昇以近畿之節雖駑馬之十駕緩者鞭之然驅鼠之五窮技止此耳毋乃累公朝之選重以爲

多士之羞茲蓋伏遇皇帝陛下闢舜四門馭周八柄欲尺寸之長並用致孱微之品亦收比奉對揚親叨臨遣大明委照不棄負薪之言零露疏恩更下賜緡之令顧受所在稱塞爲難臣惟當恪意講求因時施舍不能則止戒小已之便文當官而行效古人之報國庶殫毫末上答邱山之

浙東提舉到任謝表

宋 袁說友

一再仰以爲州咸無善狀六百石以察部誤拜渥恩身慚安便之爲優衆謂甄陞之獨異乾坤德大毫髮命輕竊惟斂散之微權莫重常平之使者山澤之利以裕國倉庫之儲均於民惟源流本末之阜通則上下有無之兼足

欲九年之益蓄亦戒夫一孔之不遺恪持經筵當辨取至於民情休戚之本吏治否臧之分事毋壅於上聞澤乃周於下布求稱厥職蓋難其人如臣愚陋殖學荒淺謂其常更中外之職有志斯民尚可俾乘輅傳之馳在承休德庶以異時布宣寬大之意而爲今日激揚清濁之公會下下之考而未書乃皇皇者華而遽造就臨所部實寵其行伏遇陛下器使羣工鑑觀庶物與我共理倘田里有庶民之安惟爾之能則命秩示列城之勸博求庸使下及孤蹤臣敢不尊其所聞期於不負無政事則財用不足肯用空言或登攬有澄清之風常希前哲力殫素學仰答殊知

代胡宗憲進白鹿表

明 徐渭

臣謹按圖牒再稽道詮乃知麋鹿之羣別有神仙之品歷
一千歲始化而蒼又五百年乃更爲白自茲以往其壽無
疆至於鍊神伏氣之徵應德協期之兆莫能罄述誠亦希
逢必有明聖之君躬修元默之道保和性命契合始初然
後斯祥可得而致恭惟皇上凝神沕穆抱性清真不言而
時以行無爲而民自化德邁羲皇之上齡齊天地之長乃
致仙麋遙呈海嶠奇毛灑雪島中銀浪增輝妙體搏冰天
上瑤星應瑞且地常寧波定海之間况時值陽長陰消之
候允著晏清之效兼昭晉盛之占臣臣謹擬兵符式進

真蠶茲小醜尚爾跳梁日與偏裨相爲犄角偶幸捷
會嗣登和氣之祥爲宜付之史館以光簡冊內諸文罔俾
樂沼臺覓草通靈益感百神之集銜芝候輦長迎萬歲之

疏

吳興郡武康開漕疏

宋 始興王濬

所統吳興郡襟帶重山地多汗澤泉流歸集疏決滯壅時
雨未過已至漂沒或方春輟耕或開秋沉稼田家徒苦防
遏無方彼邦輿區地沃民阜一歲再稔則穰被京城時或
水潦則數郡爲災頃年以來儉多豐寡雖賑資周給傾耗

國儲公私之弊方在未已州民姚嶠比通使宜以爲二吳
晉陵義興四郡同注太湖而松江滬瀆壅噎不利故處處
涌溢浸漬成災欲從武康紆溪開漕谷湖直出海口一百
餘里穿渠洽必無闕滯自去踐行量度二十許載去十一
年大水已詣前刺史臣義康欲陳此計卽遣主簿盛曇泰
隨嶠周行互生疑難議遂寢息旣事關大利宜加研盡登
遣議曹從事史虞長孫與吳興太守孔山士同共履行准
望地勢格評高下其川源由歷莫不踐較圖畫形便詳加
算考如所較量決謂可行尋四郡同患非獨吳興若此洽
獲通列邦蒙益亦有暫勞無由永晏然興創事大圖始當

難今欲且開小漕觀試流勢輒差烏程武康東遷三縣近
民卽時營作若宜增廣尋更列言昔鄭國敵將史起畢忠
一開其說萬世爲利嶠之所建雖則芻蕘如或非妄庶幾
可立

薦胡瑗充學官疏

宋 范仲淹

臣聞臣之至忠莫先於舉士君之盛德莫大於求賢泰通
之朝豈敢隱默臣竊見前密州觀察推官胡瑗志窮墳典
力行禮義見在湖州郡學教授聚徒百餘人不惟講論經
旨著撰詞業而常教以孝弟習以禮法人人嚮善閭里歎
服此實助陛下之聲教爲一代美事伏望聖慈特加恩獎

升之太學可爲師法

代學使請復新建伯封爵疏

明 徐渭

爲請復功臣封爵以崇厚道作人心事臣本菲薄賴陛下聖仁令臣提督浙江學校首務在敦實行敦實行在先士風於是作爲條約首令提調官以四孟月採士民之行而臣歲一按臨以觀其風凡忠臣義士孝子順孫烈女節婦臣悉咨訪以備旌舉時至紹興府則見鄉大夫士及故老庶民爭來言故新建伯兵部尚書兼都察院左都御史王守仁始以倡義擒逆濠受封前爵迨後奉命平思田討八寨斷藤諸賊其撫剿處置功烈尤著旣以勤事病困乃就

巡歷屬地冀得便道待乞休之報遂死南安當時廷臣過從吏議謂守仁倒施恩威擅離職役身死未幾而削奪旋及使功臣之骸藁葬原野子孫下同編民非所以廣聖意勸忠良也臣旣聞斯言復檢按諸所呈遞前御史裴紳所行紹興府山陰餘姚等縣學生員秦倪等呈詞及先後諸臣大學士方獻夫詹事霍韜御史聞人詮等論列之稿守仁生時歷年章疏文移處置施行之實叅之臣疇昔所聞縉紳道路傳誦之言則知守仁平定逆藩之大功與陛下所以加守仁之懋賞舉的然有定議矣至其往處思出不血一刃不費斗粟遂定兩府之地活四省之生靈呼吸之

東坡先生集卷之五十九
間降椎結者以七萬至其往征八寨斷藤諸巢則以數千
敵歸之卒不兩月而蕩平二千里根連之窟破百年以來
不拔之堅爲兩廣除腹心之蠹卒以蒙犯瘴癘客死南安
實亦在其所制境土夫功烈之高如彼死事之情如此而
當時廷臣抑使不揚後來諸臣復請之奏屢上陛下亦竟
畱不下何也臣雖至愚亦竊有以知其故矣蓋其故或在
言事者之尚未悉其情也未思田二酋向化而當撫至斷
藤峽諸賊稔惡而當勦惟守仁親見其事而熟籌之其他
在廷之臣未必知也兼總四省則江西本其屬地事畢而
巡歷病困而乞休駐便道以待報私不害公此亦人情之

常至於終不獲命以死尤可痛悼此在守仁宜自諒其無
他其他在廷之臣未必知也故守仁求隨宜勦撫之實以
副明旨而廷臣據專意二酋之名謂宜必勦守仁以巡歷
地方幸冀其返還之便而廷臣因謂一意返還徒假借於
巡歷之公則守仁之所爲撫勦盡是矣而廷臣之所謂創
置似亦未盡非也守仁之所爲待命盡忠矣而廷臣之所
謂擅離似亦未盡僞也以求盡非未盡僞之言而陳於陛
下之前陛下安得不信之乎故臣愚不敏妄意陛下果終
奪守仁之爵於始者此也夫陛下旣已信廷臣矣後之進
言者又徒彼此求勝旣不白廷臣未盡非未盡僞之意以

緩其責遂亦不能指守仁盡忠盡是之故以互形其短長而破其兩可之疑則陛下亦安所取信而遂改易其前議乎故臣愚不敏又妄意陛下不欲復守仁之爵於終者此也如其不然以陛下聖明往年嘗復劉基之後矣復王曠之後矣此又復郭子興之後矣豈其獨忘情於守仁哉錄其功而封之人告其罪而奪之審其無罪而復收之惟是之求而循環不已此陛下之所爲至公也不能深明其故以啓陛下之聰明此臣所以有憾於言事者之未悉其情也不然陛下何憚一改議之煩爭千石之粟使功臣之績骨未朽而名實盡泯哉臣有以知陛下決不爲也且守仁

經略兩廣功烈無比此天下所共聞知謂宜有加爵之賞姑無論也遂使其倒恩威離職役誠如羣臣言猶不足以掩其擒逆濠衛社稷之功况乎以所謂廷臣未必知之說而欲盡棄其平生辟如以銖稱鎰其低昂亦甚枉矣臣聞式鼓氣之蛙則士卒尚勇買死馬之首則駿骨旋至方今海上告警士氣不振思效智能之徒每以前事爲鑒守仁實生其鄉聞鄉人每一聚談知與不知皆爲扼腕太息夫泯沒勞苦使閭巷得以藉口甚非所以作豪傑使奮起也說者又以爲守仁聚生徒盈海內名爲道德而實僞學爲可遺棄臣竊意不然學術之與事功無有殊二此自學士

自修之說也若朝廷賞罰當論功罪非以學術也惟埋屠
販恣雖不逞亡人倫鮮行誼之徒猶裂土而封世世勿失
此豈以學真偽哉守仁之於學其真與偽臣姑弗論縱其
偽也盡其死力於艱難索其罪譴於講說朝以其勞而封
之慕以其學而奪之無乃大相繆乎且人各有心難可混
視徒以猜量之虛而遂忘其舍生倡義定一大難之實使
不得託於惟埋屠販之流其亦去人情遠矣臣職專學校
首教化遂以採民風得知守仁之事至熟且悉又且兵革
之役方興未已而掩抑戎勳非所以觀視遠邇也古語曰
寵女不敵席寵臣不敵軒蓋慈恩愛之難終也周公曰文

舊無大故則不棄也蓋恐恩禮之易奪也臣誠愚昧謂宜
念守仁之勞苦察先臣之過舉以深味夫古語周公之意
復守仁舊所封新建伯爵俾子孫世世承襲以彰國家報
施之厚作臣下之心諸所宜葬祭贈諡之禮悉從故事

四賢從祀奏疏

明 劉 蒞

浙江等處承宣布政使司金華府知府等官臣劉蒞等謹
奏為褒崇正學以隆治道事准本府知府劉蒞關竊惟道
之顯晦有時人之抑揚有數時可矣而道不顯是天欲終
晦之也數可矣而人不揚是天欲終抑之也然道顯則人
亦揚顧所遭何如耳昔孟軻氏沒吾道絕學千五百年

周程張朱始續其傳朱熹之門聞道者衆可以繼道統之
傳者亦只二三子黃幹乃其巨擘也熹臨終悉以深衣幅
巾及平生遺書付之曰吾道之託盡在子矣若然則繼朱
熹者非黃幹乎幹爲臨川令婺州金華人何伯慧適爲縣
丞因命其子何基師事焉幹一凡器重之因告以聖賢之
學必有真實心地刻苦工夫而後可基乃悚惕受命於是
因黃幹之言明朱熹之旨精思新意愈出不窮熹門人楊
與立見推服當時學者霧滃雲集基盡以所聞於幹者
叙之曰立志貴堅規模貴大充踐力行死而後已學者分
然從之斯道遂大盛於東南然則功並黃幹者非何基乎

一傳而得同郡王柏資稟英邁勇於求道盡探何基之祕
蔡抗楊棟相繼守婺趙景緯守台聘爲麗澤上蔡兩書院
講師鄉之耆德班白皆執弟子之禮而師道爲之再盛然
則繼何基者非王柏乎再傳而得同郡金履祥講貫益密
造詣益邃盎然春融怡然冰釋訓迪後學諄切無倦宋祚
將移樊襄圍急履祥因進牽制擣虛之策請以重兵由海
道直趨燕薊則樊襄之圍自解時不能用遂不復仕觀其
所充拓所論著蓋親得何王之傳而並擴之然則繼王柏
者金履祥也又傳而得同郡許謙致遠鉤深以聖人爲準
的旁搜博採以義理爲折衷其規模益宏大其涵蓄益深

遠開門講學遠而幽冀齊魯近而荆揚吳越不憚千里皆來受業四方之人以不及其門爲恥當時中外名臣薦者百數至以其身之安否爲斯道之隆替觀其所體驗所著述蓋盡得何王金之蘊而益充之然則繼履祥者許謙也是四子者皆親接黃幹之傳以上續朱熹之統寥寥三百年餘未從孔門之祀成化間按察司僉事辛訪亦嘗具奏未蒙准行當時議者曰朱文公熹與呂成公祖謙講道金華郡儒何基王柏金履祥許謙師徒累葉出於文公之後而居於成公之鄉其於斯道不爲不造其徑庭然造堂奧則未也爲是說者誤矣聖道之奧在顏子且曰未達一間

由夏輩开堂未入於室七十子宮牆外望者不知其幾而可輕造哉要在其有羽翼斯道之功生而可以淑斯人沒而有以啓後學如四子者亦可無媿於孔門矣議者又曰羽翼斯道莫如著述程朱之後如胡安國之春秋傳蔡沈之書傳真德秀之大學衍義吳澂之五經纂言學校以之育才經筵以之勸講其功偉矣何王金許之所以爲書其用恐未若是之專其功恐未若是之偉嗚呼爲是說者或亦多得何王金許之書而讀之也何基所著大學中庸發揮大傳易啓蒙發揮通書近思錄發揮王柏所著讀易記涵古易說大象衍義涵古圖書書疑詩辨說讀春秋記論

語衍義太極衍義伊洛精義研幾圖魯經章句論語孟子
通旨朱子指要詩可言天文地理考墨林考帝王歷數等
書金履祥所著有論孟考證補集註之所未備通鑑前編
多先儒之所未發其他如大學疏義尚書表註天曆初廢
訪傳鄭允中曾上其書於朝矣許謙所著有四書叢說讀
詩集傳名物鈔觀史治忽幾微其他如天文地理典章制
度食貨刑法字學音韻等書國初亦已梓行矣雖不能如
胡安國蔡沈真德秀之顯行於時亦皆發明聖道裨益程
朱不少其視吳激許衡蓋不知其孰兄而孰弟也孔門從
祀若專取著述不知當時多慾如申棖愬子路沮孔子之

道如公伯寮所著何書雖不能無磯激警醒之功而終作
聖門之梗方且偃然坐食兩廡其視何王金許何如也亦
有僭經叛經詭道非聖惡人性而詆孔子善桀紂而僞堯
舜作奸犯科得罪名教亂天下而禍後世者當時徒以註
疏附會取之而今理學大明則糟粕棄餘積於無用今亦
在巍坐侑食之列其爲人其爲書視何王金許又何如也
議者又曰作於朱子之先而賢賢相承若朱子之曾祖禰
者楊時羅從彥李侗既不得以是之故而列從祀矣出於
朱子之後而賢賢相承若朱子之子孫曾元者何王金許
尚安得以是之故而列從祀焉爲是說者蓋專以世次言

也吾論祀道也夫庸知世次之先後乎如必以世次則顏
無繇曾皙孔伯魚固當升之堂上不當在弟子之列兩廡
之間矣臣又嘗聞之朱熹初見李侗侗語之曰理一而分
則殊今君於何處騰空理會得一箇大道理說天下之事
理一而已更不去分殊上體認熹乃幡然悔悟盡向分殊
上尋求理一由是言之朱子翼道之功李侗實啓之從彥
實傳之今楊時既列從祀而從彥李侗不與則是曾享祀
而祖禰不與也夫人在堂上方能辯堂下人曲直臣亦隨
衆觀場者也且學不足以博古才不足以通今未望聖道
之蹊徑安敢品題道學於數百載之上但質之以大儒之

格言以觀其取與否考之以諸儒之操存以觀其醇與否
參之以各儒之著述以觀其有發明聖賢之道否察之以
古今天下之嚮慕以觀其淑於後學否今儒先之許可既
如此諸儒之操存之著述又如此古今後學無不尊仰又
如此則人心未嘗一日而忘諸儒之功也臣望陛下隆重
儒先紹續道統乞勅多官會議將羅從彥李侗黃幹何基
等七人加其封爵俾之從祀使其不至淪沒則聖道有光
治道增重臣嘗思之理學大明莫如有宋治道天行莫如
我朝理學屬知治道屬行而知行未嘗不相因也今陛下
誠能尊禮往哲闡明理學豈不知行並進政教兼舉感人

心而風後世綿國祚於無疆乎此天下之公議非一人之私言臣所以先爲之倡者誠以何基等地方之產臣地方之官已嘗祭掃其墓搜求其書贍其圭田而禮其後裔有司之職如此而已若夫主張之任表章之權端有望於今日之聖天子賢輔弼也當此有道之時而不得一遇則諸儒之道終晦而其人終於不揚矣臣是以不避僭踰合關本府轉奏等因緣係褒崇正學以隆治道事理未敢擅便合行具本差吏傅暹齋奏以聞

請重建劉誠意伯祠疏

明潘潤

洪惟高皇帝應天順人龍飛淮甸不數年間奄有大業當時佐命諸臣奉行天討削平僭亂於外者有徐達湯和輩而徐達爲最察觀乾象運籌帷幄之內者惟劉基一人而已是劉基之功與徐達相伯仲也太祖常禮敬之而不名每日吾子房也所以待之者至矣當功成之日舉報錫之與封徐達爲魏國公食祿甚厚春秋祭祀之外時享不一封劉基爲誠意伯恩寵有加所以報之者亦至矣歟後徐達之子曰輝祖者襲封公爵至今世代相承久而不替劉基之孫曰劉薦者襲封誠意伯自薦之後不傳臣原籍直隸廣德州建平縣人密邇南都自齟齬之時聞父兄遺論謂劉基之功與徐達相等而達之子孫襲爵如故基之子

孫寂無所聞山林僻處莫知所由及臣倖登仕版聞士夫
議論及睹基翊運錄知景泰年間欽取基七世孫劉祿授
翰林院五經博士天順元年劉祿奏請立誠意伯祠荷蒙
英宗皇帝詔可其奏下有司營建祠堂於基原籍青田縣
以安其靈恩至渥矣然五經博士之襲似未愜然祠堂規
制俱涉苟簡事出不詳有懷未吐嘉靖五年六月內臣欽
承上命知處州府事值公幹至青田縣參謁誠意伯祠果
見規模卑隘及詢儀物亦不加隆其孫劉豫見襲處州衛
指揮使臣乃追思父兄所以爲劉基論者有由然也仰惟
太祖之興也羣臣協輔如雲龍風虎之相從其報賞也論

功錫予如權衡輕重之不爽奈何歷世未遠基體顯殊
徐達者子孫輝映百年無異如劉基者子孫襲蔭僅一指
揮春秋祭祀率多簡畧功之在太祖實相頡頏報之在今
日者似覺霄壤非惟無以慰劉基泉壤之望恐我太祖在
天之靈亦不欲報劉基之止於如此也及查弘治十五年
禮科給事中臣吳仕偉請建祠於青田縣前任知府臣梁
宸謹奉欽依事理嘗置官地一所於皇華舖前規模窄狹
尚未建立故雲和民人鄭以璋鄭法父子相繼爲言者亦
天理人心之不能已也臣昔雖耳聞今乃目擊有激於中
不忍緘默爲此披瀝愚悃冒死上陳伏乞皇上念太祖創


業之難憫劉基功績之大特勅禮兵二部查照徐達湯和
等於其襲蔭稍加爵秩於其祠宇稍加壯麗於其祭祀稍
加豐隆較之徐達等遞減一等使彼子孫世守則上副太
祖錫報元功之誠下協天下臣民之論而抑有以厲人心
於將來矣

永寬商竈疏

明楊鶴

臣奉命視視兩浙於役事竣故事報命之日率有條陳恭
候聖明採擇臣愚無知識不能蔓引其說惟是通商恤竈
兩言盡之按祖制兩浙每歲行引四十四萬四千有奇分
派三十六場買補掣運其直所轄食鹽地方賣銷蓋統計

各場所產與各地戶口所食無餘無欠而立為常法者也
此時止有正引別無傍徑場之所產止以供四十四萬四
千有奇之額故不患其不給民之所食亦止有四十四萬
四千有奇之鹽故不患其不通自嘉隆以來創行票鹽而
引始困矣票之值廉於引票之售又速於引票之利常倍
於引臣初受事心欲革之及查票鹽之設蓋為產鹽地方
正引不行利歸私販故假此以遏之自嘉靖十六年間台
州因隔越山海商稱不便題准行票華上等縣復沿例以
請國課取辦於票鹽者凡一萬四千四百五十兩有奇此
外尚有各縣各場額課若止行正引餘鹽銀纔八萬尚不



東坡志林卷之二十一
足抵還商庫價勢不能革也嘉靖季年倭警告急而竈戶
息烟海若揚波而沙土傾瀉停引待鹽者已三四載餘鹽
京解未嘗停也故存司引目積而至於今日有一百五十
萬之多於是慮京解無策則預納之令下矣慮緩引無告
則執程之令又下矣然法令愈嚴而引目愈壅於是前鹽
臣韓浚有帶銷之條昔之四十四萬四千有奇者今則五
十萬矣以四十四萬餘引爲常額派納餘鹽以其餘五萬
爲銷壅止銷引目請不出三十年前壅可盡此亦疏通引
目之法也然昔之壅壅在引而今之壅壅在鹽食鹽之地
有定限產鹽之場不加多一歲四掣前掣未完後掣接踵

住賣者未銷運發者又至則閭閻得以操徵賤徵貴之條
而商賈不能收子母三倍之利亦其勢也於是鞭笞之令
日下季掣之遲自如緩之則病國急之則病商臣初到地
方一意寬恤已而季掣愆期始嚴行督責提比綱紀各商
幸完六季乃各商之鹽實在停積行鹽地方未盡賣銷也
意者於帶銷五萬餘引之中大爲除減庶各商之力少紓
而季掣之期自在或亦疏通之一術乎內商之掣掣旣通
則邊商之引目亦易售此亦一舉兩得者也臣所謂通商
者此也以竈戶言之洪武中每竈一丁給與工本鈔二貫
六十文以備器用給口食當時鈔一貫可易米二石竈丁

東傳海國通志 卷之二十九
之優裕可知今無有矣祖制每丁煎鹽給有灰場以資攤
曬有草蕩以供樵採草蕩所收之值歲可抵一丁鹽課之
半不稱苦也其後貧富不齊力不能煎辦窮者餬其口於
四方場蕩沒入於總催豪右之手或開墾成田收利入已
猶於各竈名下徵收全丁課銀曰此額課也卽轉徙他鄉
而課必不可免故有賣妻鬻子以償課者有終身不娶有
生子溺死恐貽竈丁之累者窮竈之苦尚忍言哉每遇五
年清丁清蕩之期名爲清丁矣單丁獨戶率未常裕也清
蕩矣豪強兼并卒莫之問也臣查得嘉興分司蘆溼場總
催之役僉派最爲不均本場豪戶蕩蕩千畝而反脫役小

窮苦無立錐而竟陷催富者收蕩之利而避催之役
窮催之役而無蕩之利甚有民戶勢宦不畏令甲明佃
蕩僅代納課而蕩去丁存之竈資身無策復令照丁當催
役苦費煩賒死無路據該場竈戶趙志奎等呈稱願行煎
蕩僉催之法臣檄下所司行之臣又查得松江分司六場
浦東下砂等場墩蕩各不下數萬每丁課銀止納一錢三
四分有奇獨袁浦一場風埭海嘯原額之蕩止存六十餘
畝額課不減每丁實納課銀四錢有奇以一司之場分多
寡懸絕苦樂不均一至於此據竈戶翁亨等紛紛呈告懇
臣具題以應偏苦其阻撓者謂祖制各場各有定額臣思

以松江一司之場均松江一司之課卽如民間以一縣之錢糧攤派於一縣與祖制有何違背且今日之浦東下砂等場安保無滄桑之變異日之袁浦場又安知不高岍爲谷深谷爲陵耶臣竊謂一場之中納課不均者宜倣袁浦場之法行之其勢家豪族有以民戶占種竈產者或係世遠人亡或係丁盡竈絕但令國課有歸自可相安無事彼旣以民戶種竈產量加錙銖包補竈課可也至清丁清蕩之年必委賢能有司會同分司官著實清查一洗宿弊如杭嘉寧紹溫台皆有場有竈之處鹽臣巡歷地方不過少費時日盡將竈戶喚集公庭按籍唱名延問疾苦則承委

之官自不敢朦朧了塞場官場霸書吏人等自不敢高下其手矣查得先年竈戶報出新漲沙塗量與陞稅然有增則有減此長則彼消總之足課而止蓋海濱斥鹵之地爲利幾何與其取之在官不若畱之在民此正理也臣所謂恤竈者此也兩浙商竈自萬曆二十七年奸弁高時夏妄奏不得已行廢引一十五萬加稅十五年共徵銀五十五萬五千兩而商竈之脂膏殆盡今奉詔蠲稅之後如病羸之人生意奄奄纔有起色此亦去藥石而用梁肉慎起居以復元氣之時也臣何敢不盡言於明主之前哉如果臣言不謬伏乞勅下該部覆議將前鹽臣所題每年帶銷五

萬餘引之數量銷一萬其五年清丁清蕩着實奉行務令
一司之中通融一司之課一場之中通融一場之課一團
之中通融一團之課至民戶占種竈產者於常課之外量
加包補新漲沙塗之稅卽以抵坍場地蕩之課庶幾商販
得以疏通窮竈永沾實惠矣

國朝

請紓東南大困疏

范承謨

臣向在內院恭覩

皇上日理萬幾每見必先垂問章疏中有報水旱災荒者
否有則

披覽不置憂憫見於

天顏無非以民爲邦本所宜加意培養者耳

臣自奉

命撫浙無日不仰體

宸衷務期登百姓於衽席凡貪官汙吏不敢瞻徇情面稍

有姑息所以除民害也獨是逃人一項爲害甚烈

臣

不敢避給更定例之嫌爲我

皇上陳之伏惟

定鼎之初嚴立逃人之禁者原爲旗下之人非伍中甲士

卽關中舊人倘被奸民引誘逃遁滿洲莊戶旣無所
恃以謀生禁旅出征更無所用以隨伍故不得不嚴

其治罪之條使百姓知懼不致自陷於法網但立法之始其所逃之人在旗日久舉動言語易於辨別有隱匿不自者處分宜嚴若近日之逃人辨別既難爲害最大他省臣不得知在浙言浙則不禁慘目而傷心也臣自抵浙受事五日一至公所會審逃人日有數起視其人率皆無賴之徒如鬼如蜮或因借債無償將身折準或係游手好閒倚旗肆詐或朝賣身而夕逃或甫就獲而又逃其所牽連非務農黎庶卽納價商賈有因需索不遂而妄扳者有因宿昔小隙而仇捏者幸而駐防諸臣悉體

聖懷反覆審問如得其情無不照例懲治然此輩雖經反坐而無辜之人家業生計已蕩然矣且所逃者非兵丁非舊人不過兵丁之家僕與僱工之奴子甚有非工非僕但常往來其家而亦冒充旗下者雖現行定例凡賣身旗下必有里隣中保甘結地方官用印押契出示曉諭未嘗不詳且明也然城市居民或能知之至於鄉僻山民住居寫遠何暇入城探聽既不知其曾否賣身凡素所認識者或僱而耕耘或倩而負販一經挈獲卽成窩主更有地方光棍欲詐某家串通逃人先至其門隨率黨羽蜂擁擒捉指爲窩逃頃

刻之間身家皆陷受害之人雖鳴之於官而官畏功
令不得不盡法嚴訊乃逃人因之愈遲輾轉被害致
百姓日困生業消亡遺累地方因而凋敝若不亟請
皇上乾綱獨斷分別新舊另定處分恐
朝廷輸課納稅之良民不足供此輩恣奸肆虐之魚肉
也臣若一日不言
皇上一日不聞

國法一日不更百姓身家一日不保伏乞

勅部詳議自後凡兵丁舊人有逃者在內限日報明督捕
司在外報明將軍移咨督捕開明年貌籍貫立寫牌

票通行所屬嚴諭地方總甲并移隣省挨戶查拏獲

屬照例治罪凡係駐防處所新買之人逃者如其父

元曾立賣契又容畱隱匿是為明知故犯罪仍坐窩

其餘誤畱者槩行免究庶新買之人不得與關東舊

人同例則天下百姓永受

皇恩又不特賑一方之水旱免一年之災傷可比也

請買穀平糶疏

范承謨

竊照嘉湖杭紹四府被灾雖有輕重而小民總無儲

蓄嗷嗷待哺拯救似難刻緩臣雖代為請蠲免請折

漕稍甦其困然有田者耕種三番車戽之工已竭無

田者貧無半菽將成溝瘠之捐設非買米急救何能
暫延喘息除勸諭鄉紳富民及各官捐助並罰贖米
穀通發備賑外更令災民墾除荒淤急種菜麥以備
來春臣心已殫惟是民多米少雖目前稍可支吾至
冬必竭非預爲之計米穀一盡民必流亡彼時雖議
招議賑恐無及矣臣再四圖維惟量發司庫存留銀
兩遴選能員前往江楚等處採買米穀照價平糶得
價之後照數還庫民免炊珠之歎官無仰屋之嗟救
荒良策莫此爲善更請

勅下權關守隘等官毋得苛稅阻撓庶百萬之生機可延

而

朝廷不蠲之蠲恩同天地矣

請緩征漕折疏

范承謨

爲照嘉湖二府異常水災臣以漕糧關係國儲不敢
輕爲蠲免乃酌爲改折之請荷蒙

俞允百萬窮黎莫不仰木

如天之仁叩頭感激歡聲如雷惟是被災已深重者顆粒
無收輕者斗石不繼入冬以來又雨雪連綿饑寒滿
路呼泣傷心地方有司不敢稽悞正供凡漕糧白糧
等項俱已極力徵完而折漕一項追呼盡術收納無

多臣每檄問有司及傳窮民之在省者詰其拖緩之故咸稱小民感

朝廷再生之恩恨不卽輸將奈以前用三番車插工費已窮以後秋未收成冬遭久雪不但錢米俱乏而田無稗草薪爨皆空是以奉公之心雖急措辦之術無從臣聽其訴言深為憫惻伏念嘉湖所產惟穀與絲上年籽粒固已無成今歲蠶桑尚有所望凡未完漕折銀兩懇乞

皇仁准俟蠶熟之後催徵起解統於康熙十年歲終奏報雖曰限明稍寬實於原額無損可免百姓賣妻鬻子之苦而恤災拯溺之

澤恩始終克全矣

請釐正白糧耗米疏

范承謨

浙省糧賦之重莫過嘉湖二府而額外多給之款無如白耗一項案查全書開載嘉屬白糧每正米一石連耗并搭折准徵糙平米一石八斗而額設夫船經費每石費每石銀八錢湖屬白糧每正米一石連耗并搭折准徵糙平米一石五斗五升而額設夫船經費每石銀一兩五分蓋嘉屬耗米比湖屬多編二斗五升而湖屬經費較嘉屬多編二錢五分兩府銀米之數雖

若參差而嘉屬多米湖屬多銀兩相折算數亦相當
至於耗米則皆以五斗五升徵給也惟是編徵止耗
全書明註准徵糙米四字並未令徵白米也歷年奏
冊報銷無異乃該府兌給不分正耗皆係全白則不
惟民力難堪且與全書甚悖夫全書所以給耗者原
爲徵糙以備椿折之費今既皆徵白則無椿可折乃
仍徵椿折之耗且并耗而亦給白是軍之所取多而
益多民之所出重而又重當此百姓窮苦之際安能
歲歲供無已之耗贈乎臣自上年嚴飭行查隨發糧
道確議茲據詳稱每石五斗五升之耗照條議舊例

相沿未改臣以當時徵糙恐有椿折故加五斗五升
今皆徵白並無椿折何可仍舊臣檢奏銷康熙七年
等事案內部查進倉白耗止交四升有奇則其所交
者甚少所給者甚多徒竭民膏以恣軍欲大非經制
之初意也臣駁覆再三務求至當有議止給白耗四
斗者有議仍給五斗五升平糙者臣恐弁軍借端稽
遲致悞上供於是再四籌畫除原編銀米折算相當
并各項經費俱照舊不議外今請將兩府正項白米
一石外給白米四斗五升以爲盤剝進倉之耗則運
軍所得不爲不厚而減徵一斗以抵糧里椿折則窮

民之力藉以稍寬與全書微糙之意亦無大悖軍民
兩利事屬可行也今值全書改纂之際正宜核定永
著為規不過釐正全書之所無並非議減全書之所
有仰祈

皇上勅部議覆俯賜允行刊入全書恪為遵守此後如有
弁丁印糧官役私加顆粒者臣即據實題參庶歷年
之積弊永除而國賦民瘼均有裨益矣

恭進昌化瑞鹿疏

李衛

竊聞至德感而祥符集太和洽而景福凝素鳥銜書
文圖與周民而偕樂白麟遊時漢廷合外域以文

史冊光昭古今欣曠今於雍正九年六月十八日據
杭州府昌化縣署知縣事羅緒呈稱本境太平鄉山
民獲麥之場自來產得白鹿一隻該地耆老七十餘
聚而觀咸稱耳雖曾聞日實罕觀誠為

聖瑞上瑞具文呈送前來臣隨厚行獎賞育之署中詳加
諦觀體質純潔色澤鮮妍淳懿敦伏性若有知馴順
聲行靜而無擾睡寐柔毳宛如天馬披雲皎皎霜毫
光似玉驄映月臣不學無文未知經術稽之往牒瑞
應圖曰鹿乃純善之獸王者孝則白鹿見王者明惠
及下則見又曰王者承先聖法度無所遺則白鹿來

孝經援神契曰德至鳥獸則白鹿見禮斗威儀曰王政平則北海輸白鹿載籍相傳歷有明攷欽惟

皇上

大孝格天

至仁育物攻治蕩平法度明備合之古訓莫不相符贊於神明宜臻斯瑞且臣又聞六為律而山主靜白應金而位居西是鹿也當六月而自出於山識仁者之必壽得正色而宅方於兌十西睡之即平粵口代芟除倭警而寧波定海兩見嘉符今

王師遠伐醜夷而昌化太平先呈吉兆此誠


皇上萬壽綿長永清沙漠之徵應也在

聖主盛德謙抑不言祥瑞乃

上蒼默懷眷佑屢錫麻嘉從此耀金精而除萌孽天而洗甲兵銜芝以頌萬年有道之長食萃而歌壽考作人之盛矣謹因杭州織造郎中許夢閔押運赴京交其代上恭

伏祈

臣實切慶幸歡忭之至



浙江通志卷二百五十九

天保製

